


兵衛


六七



漢書門			
九	五	五	三
一	七	一	三
八	三	一	三
冊	架	函	號類


庫文閣内			
九	五	五	三
八	三	一	三
函	冊	架	號類

内閣文庫			
番號	漢	9553	
冊數	8 (4)		
函號	299	255	



綴じ部(喉部分)の文字など開きが不鮮明な箇所あり

論子十三種秘書兵衡卷之六



豫章 羅應龍濟寰 彙


雲林 龔居中應圓 傳

高安 謝日章擴初 叅論

廩丘 趙性基元理 訂錄

鍾山 鄭大經道常 梓行

霹靂星有引



周天經宿降婁之首東壁之光文章之位其下有
霹靂星主雷電奮擊天之令也夫位為文何令為
武哉則知有文事者嚴武備天道合之豈人事殊

之此喻子之學所以晤言一室而迅掃四夷筆媿
三餘而鞭驅萬馬其視簞瓢金鼓畧無殊也宋元
而上治師旅者不言火攻 國朝之興火營有習
火器有庫于是火攻尚矣然火烈者器難運器便
者用難當製滅裂者自殞喪則火攻之制又未嘗
不誤人邇張承胤等之師可鑒已四隅多故星煞
下現將為 社稷毆芟叛賊以光中興姑先晦其
跡妙其機倪或流落于江湖或藏遁于巖濑各有
所抱不偶于時或有所傳未見諸行事或中所不
能自已發而為言其念私而欲自用者秘而待之

必于其身其念無我而不必身用者公之天下于
是有喻子兵衡于兵衡之中有火攻全術誠得其
道究其用可以六千之衆奮擊絕域其訣最秘其
用最實其制使其費廉喻子以急中華之念不難
洩之豈千秋不二之陰符顯之者應在今日邪豈
非霹靂之星在天者其文在喻子之書者其質邪
以是名之時癸亥春日廬陵蕭日蘭涵玉甫話于
書隱齋

上篇

有目

◎武侯遺制○火攻風候○火攻地勢○火
攻器製○火攻藥製○火攻禁忌○野戰火

龍神器○火龍捲地飛車○遠戰奮擊神器
 ○八面旋風吐霧轟雷砲○九矢攢心神毒
 火雷砲○單飛神火箭○近戰萬全神器○
 神行破陣滿火刀牌○冲陣火葫蘆○飛天
 神火毒龍鎗○神機萬勝火龍刀○倒馬火
 蛇神棍○水戰火龍神器○八面神威風火
 砲○四十九矢飛簾箭○火龍吐燄神毬○
 飛空滑水神油○水底龍王砲○埋伏火龍
 神器○無敵地雷砲○穿山破地火雷砲○
 渡水神機砲○隔沙神捷火陣○營寨火龍
 神器○神火萬全鐵圍營法○百子連珠銃
 ○偷劫火龍神器○燒天爆火無攔砲○神
 威烈火夜叉銃○飛雲霹靂砲○固守火龍
 神器○萬勝神火屏風○爛骨火油神砲○
 萬火飛砂瓦礫○鐵汁神車○神仙自發
 又又神火刀銃○攻打火龍神器○轟天
 霹靂猛火砲○毒龍噴火神筒○神火飛鴉
 毒霧神煙砲○

武侯遺制

昔黃帝有涿鹿之戰而風后爲之師神禹有三苗
 征而伯益爲之師成湯有鳴條之役而伊尹爲之師
 武王有牧野之伐而呂望爲之師同力以德勝同德
 以義勝上應天命下順人心未嘗有火攻也下降而
 春秋五霸爭征再降而戰國七雄並起是皆糜爛斯
 民誰爲義舉雖有田單火牛之戰其法不可再也繼
 而高祖奮泗上以張良爲師而成帝業光武起昆陽
 以鄧禹爲師而復漢祚亦未聞有火攻之法也至于
 三國謀臣戰將紛然迭出曹操以奸雄之姿而虎踞
 中原孫權藉父兄之業而坐鎮江東天下莫強焉時

惟諸葛孔明高卧草廬遇異人秘授火攻戰法感先
主三顧之懇懃盡鞠躬之力燒屯於博望塵兵於赤
壁火焚藤甲六出祁山三分天下百戰百勝曹瞞喪
膽孫權失魄火攻之法于孔明而洩之矣若埋窖地
龍于葫蘆谷内非天雨大降則司馬氏之父子又爲
煨燼矣使人心未盡天命尚存不限三分則席捲長
驅而成一統之業如運之掌向無孔明之火攻雖有
關張趙雲之勇將以魏吳之勢較之未必畏蜀如虎
也是故兵家之無敵者莫過于水攻火攻然水攻須
近江河湖海始可壅激而爲之識地勢者猶能趨避
惟火攻之法戰有戰器伏有伏器攻有攻器守有守
器陸有陸器水有水器城有城器冲鋒破敵者其火
烈而器遠劫營亂陣者其火迅而器利守城安寨者
其火猛而器重從空而飛者以應天雷埋地而擊者
以應地雷伏水而發者以應水雷持兵而戰者以應
火雷雷以火爲威火以風爲勢明用則乘機而動暗
用則時刻而發毫釐有差則社稷之安危三軍之存
亡係之火攻之法顧可以易言哉

火攻風候

火攻之法以風爲勢風猛則火烈火熾則生風風火

相持斯能取勝故爲將者當知風候以月行之度準
之月行于箕軫張翼四宿則不出三日有大風數日
方止仰觀星宿光搖不定亦不出三日必有大風一
日而止黑雲夜蔽斗口風雨交作雲自北方起者風
大黑雲飛塞天河大風數日月暈色青四圍有風無
雨日沒黑雲下接來朝風作風行十里揚塵動葉風
行百里吹沙飄瓦風行千里力能走石風行萬里力
能拔樹知天之時而善用之者則萬戰而萬勝矣

火攻地勢

火攻之法上順天時下因地利曠野平邊遠擊者勝

叢林隘道夾擊者勝漫坡盤石埋擊者勝長江大河
迎擊者勝憑高擊下其勢順用重器猛火壓之以下
攻上其勢逆用銳器烈火燒之彼此皆火器卒然而
遇不及成陣其勢易亂用遠器先擊者必勝彼此皆
扎營欲劫輜糧先觀伏路其勢易疑用號器四擊者
必勝城中擊外當攻其堅城外擊內當攻其瑕水戰
必先上風使避其煙障蓬帆必以藥製使不染煙火
此水攻之上策也苟不知地利而用之不得其宜未
有不棄器而走資寇敵也

火攻器製

火攻之器有戰器有埋伏器有攻器有守器有陸器
有水器種種不同用不得宜無有不敗其戰器利于
輕捷則兵不疲力而銳氣常先其埋伏器利于爆擊
易碎火烈而煙猛其攻器利于機巧則兵可奮勇而
移動不常其守器利于遠擊火長而氣毒其陸器利
于遠近長短相間分番疊出各爲號令火炮火銃火
箭火彈此遠器也則與長鎗大刀相間火鎗火刀火
牌火棍此近器也則與強弓硬弩相間選以精兵練
以陣法器貴利而不貴重兵貴精而不貴多將貴謀
而不貴勇良將一員火器一千練而用之足抵強兵
四十二萬可以無敵于天下矣其水器冲鋒則利于
當面直擊發貢狼機是也橫截則利于兩旁夾攻神
鎗火銃是也亂陣則利于燒染蓬帆火箭飛毬是也
殿後則利于矢石齊飛火炮神弩是也將得其人隨
機應變無或不勝矣

火攻藥製

內加入各秘書詳論

火攻之藥硝硫爲主木灰爲副然必知藥之性斯得
火攻之妙硝性主直硫性主橫灰性主大火各不同
以灰爲主有箬柳灰杉灰性直者主遠擊硝九而硫
一性橫者主爆擊硝七而硫三青楊灰其性最銳枯

杉爲灰其性尤峻蘆葉爲灰其性尤燥雄黃氣高而
火談神火以雄黃爲君石黃氣猛而火烈法火以石
黃爲君砒霜氣臭而火毒毒火以砒霜爲君銀綉金
汁礶砂炒製鐵子礮屑着人則腐爛見骨其爛火藥
內用之姜粉霜牙皂椒末製飛砂神霧着人則立瞎
雙睛飛火藥內用之草烏巴豆雷公藤少加水馬虎
藥中人飲冷水卽解加水馬則見水愈急熬煎火藥
龍鎗着人則見血封喉火箭火鎗用之中賊卽死江
子常山半夏略和川黃造製噴筒火礮着人則禁人
不語噴火藥用桐油荳末松香利焚糧劫寨偷劫火
器內用之人糞鐵汁巴油用破革車皮帳賊攻城
此鎔化燒沸傾注城下洞透重革鋸末狼烟晝黑夜
紅遍傳警報江豚灰逆風愈勁勢疾神奇砲藥量入
水銀易于爆碎信藥加用班猫永無閉塞金汁砒霜
法製玉田砂用行火藥順風揚之名曰神砂末香砒
霜配以硝硫名曰神煙銀綉礶砂和以海汁名曰神
水砂入人目則頭昏眼瞎烟鎖人竅則血湧髓流水
注人腹則心碎腸裂騾馬獅象傷藥者亦如之用藥
一石可斃賊百萬然將兵者以仁伐不仁以義伐不
義用之不得其宜是爲逆天恐促已壽以天地好生

之德論之切不可輕用也武侯之壽輕于藤甲有明
徵矣別有石油入水不滅可造藥團藏火器中放燒
賊船出四川猛火油見水愈熾可燒濕物出占城國
九尾魚見風便熾四爆無可遮攔出婆羅國此皆極
妙之藥爲將者不可不知也精通藥性製合神機上
輔聖主下安黎庶滅寇平夷礪山帶河豈止萬人敵
而已哉

火攻禁忌

火攻之法用無不勝勢莫能當固不可輕用亦不可
妄用也且兵家之要上順天時下得地利中應人和
三才之道備而爲將者又能知己知彼以仁爲心法
以義爲軍聲以明爲賞罰以信爲紀律因時而制宜
設奇而料敵凡遇古先帝王陵寢聖賢祠宇黎民房
屋市井相連不可遽攻一也前阻茂林後阻水澤逼
已營寨軍陣未列不可遽攻二也風勢未定地勢未
得反風滅火禍莫大焉不可遽攻三也彼兵半欲歸
降未得其門乘風縱火玉石俱焚不可遽攻四也彼
兵已降心疑其叛從而害之必失士心不可遽攻五
也賊有驍智之將圖爲已用必設計以生擒不可遽
攻六也萌甲方長鱗虫始蟄赤地焚燒傷生太重以

損仁德不可遽攻七也喪敗之賊強虜吾民以張其勢必思奇計救脫民命不可遽攻八也遵此八者而雲飛鳥集鬼神莫可測其機電掣雷轟造化不能窺其妙則武侯不得專美于前矣忠貞之將雷神于此則天下幸甚斯民幸甚是書也豈百家衆技權謀術數之學可得一日而語哉

野戰火龍神器一件

火龍捲地飛車

用木爲車下設雙輪使無欹側中有車箱上設梁簾隔以竹中分爲二片挨編兩重薄片爲裏三寸

高上用二大眼下用四小眼腹藏火器二十四件火從諸獸口中噴出火器次第而發每一車用壯士四人兩旁設飛翅神牌遮當矢石車前釘以利刃着號旗一齊輪轉如飛冲入賊陣萬將莫當

遠戰奮擊神器四件

風火流星砲

砲用生鐵鎔鑄員狀毬形中藏神火法藥用母砲送彼陣中墜地始發霹靂一聲火光迸起砲身碎裂四旁飛擊人馬俱傷乘機而戰破敵必矣

八面旋風吐霧轟雷砲

砲用生鐵鎔鑄中藏神火法藥用母砲送入賊陣火發砲碎擊賊穿心毒氣煙飛撲賊眼目人馬俱傷一步不可行一物不可見

九矢攢心神毒火雷銃

銃用精銅鎔鑄身長三尺八寸中藏九矢矢鏃上蘸虎藥一發則九矢齊飛穿心透骨勁不可當中于人馬見血封喉立時而斃用此銃一柄足抵精兵九人

單飛神火箭

用精銅鎔鑄箭筒一尺三寸法藥三錢神箭一枝藥發箭去其勢如雷打得二三百步可貫數人與神鎗

全用

近戰萬全神器五件

神行破陣滿火刀牌

牌用生牛革爲之畫以龍物獸形暗藏神火三十六筒線盤屈曲如法列于陣前兩軍相對號旗一牽號砲一鳴齊滾而進火噴三丈甲士持刀上砍賊首下砍馬足用此牌一面足抵強兵十名喻子曰誠推此道力行之雖無車亦可破奴賊矣如不行何

冲陣火葫蘆

形類葫蘆中爲銃心藏鉛彈一枚葫蘆內藏毒火一

升以木爲柄長六尺用一猛士持之與火牌相間列于陣前奮勇冲賊陣人馬俱傷馬步俱倒

飛天神火毒龍鎗

身長一尺五寸或用銅鎔鑄或用鐵打造中空藏鉛彈一枚鎗鋒分兩開長二寸五分上蘸虎藥兩旁縛毒火兩筒與賊對敵遠則發鉛彈擊之近則發毒火燒之戰則舉鎗鋒戮之鉛彈中賊利害穿心毒人着賊頃刻腐爛虎藥傷賊立時而斃用此鎗一柄足抵強兵二人一器三用神捷莫比

神機萬勝火龍刀

身長一尺五寸或用銅鎔鑄或用鐵打造中空藏鉛彈一枚刀分兩刃橫濶三寸上蘸虎藥兩旁縛毒火兩筒與賊對敵戰法同上上砍賊首下鈎馬足用此刀一柄足抵強兵三人一器而三用也

倒馬火蛇神棍

棍用熟鐵打造中空藏火身長三尺以木爲柄長四尺令勇士持之以冲馬陣

右器與強弓硬弩相間賊近燒擊兩用無不勝理

水戰火龍神器五件

除獨角火龍船等別具

八面神威風火砲

砲用精銅鎔鑄長三尺後高燕尾下爲木架另鑄提心一枚每砲一架用兵二人一放一裝八面旋轉攻打不絕最利之器也

四十九矢飛簾箭

編篾爲籠約長四尺糊以帟帛中截四十九矢精鐵爲鏃捲帟爲筒長二十寸許前裝燒藥後裝催藥縛鏃上順風發出勢如飛蝗頃刻火熾

火龍吐酸神毬

用柔篾編造圓滾如毬可容火藥一升厚綿重糊又將松香鎔化薄塗周圍以細繩爲絡使膂力勇士持之約離賊船二三丈許飛空擲入賊船則火光燭以亂賊

飛空滑水神油

用鷺鷥鷄清盪去其黃和以桐油復將鷺蛋殼或磁瓶裝灌令滿皆閉其口以繩爲絡使膂力勇士持之約離賊船二三丈許擲入賊船到處流溢以風波洶湧溜滑不可立兵器不可施况油沾船板遇火易焚雖微法小技而取勝之功則大矣

水底龍王砲

砲用熟鐵打造以木排載之其機巧妙在于藏火記

香限定按時而發看賊船泊處入水淺深將重石墜排順風而下香盡砲從水底擊出船破賊沉可坐而擒也

埋伏火龍神器四件

無敵地雷砲

砲用生鐵鎔鑄以極圓為妙或容藥三升或五升或一斗用堅木為架分引三線以通火竅料賊必到之地先埋于土中賊至則舉號旗砲為令火發砲響奮擊如飛勢若轟雷不及掩耳仍使驍勇之將統奇兵出陣無有不勝

穿山破地火雷砲

或用銅鎔鑄身長四尺中容藥五升發鉛子三斤或用鐵打造大如盂口中容藥一升先用神馬發鉛子半斤煙飛火烈勢若雷霆林木皆震人馬遇之立成齏粉必相地之便而後可用用之無敵不可敗無功不可成

渡水神機砲

隔水陣欲用火攻勝之倘我兵寡勢不能敵必暗使細作之人先以砲埋險隘要處玄妙在于藥線地上掘槽取茅竹破為兩邊刮去其節使礮互包信藥藏

于茅竹中埋于地槽仍以土覆之另掘一坑將瓦盆對合獸眼與竹口相對預埋火種石灰合製火經二月不滅用長繩繫其藥信垂于火種之旁賊至將繩拽動其機則應手而發隨出奇兵以擊之無有不勝雖鬼神莫測也喻子曰城壕外最宜

隔沙神捷火陣

以寡擊衆兵之妙也以逸待勞將之謀也倘我兵甚寡賊兵甚衆力不能敵欲阻沙爲勢用火攻之必相地形所宜賊至如占周圍控成浮溝將光輕木兩頭周圍釘以釘刃各設轉輪聯以鐵環仍以上掩之不露其跡用牛馬藏于隔岸長索貫牛馬項中賊一入套舉號爲令牛馬齊奔則滾木捲地而來人足馬蹄中傷外地岸上復架遠攻之器以擊之仍使驍將斷其歸路古之名將皆以取勝

營寨火龍神器二件

神火萬全鐵圍營法

兵法曰進則爲陣止則爲營故營寨大將護兵之所三軍號令之地也見勢不虞卽奔歸營寨賊雖攻圍可以自保豈有他哉以有法器足恃也用堅木爲櫃選壯士五人守之賊若近攻萬火齊發與神牌間隔

分爲八門出入有路仍宜兵分奇正撥將統之號旗號砲總于中軍出其不意時戰時止使彼兵不得休息乘機擊之

百子連珠銃

其法用藥裝入一節以厚楷帑錢一箇中穿藥線一寸送入銃內又裝一節藥入築實又間以穿藥線錢如此裝制其銃用精銅鑄長四尺有餘中容藥一廿五合旁鑄一嘴長一尺有餘約藏鉛彈百枚堅木爲架八面旋轉橫于架上豎起則鉛彈次第而出擊賊兵使不得窺我營寨用此銃一架足抵強兵五十

偷劫火龍神器三件

燒天爆火無攔砲

用地鼠帑筒各安藥線每五筒爲一排上中下三節各三層以篾縛束合晒火藥松香硫黃毒煙用粗帑包裹成磚形外用棉帑包糊以油塗密另于頭上開口下用竹筒以藥線自竹筒穿入捲帑爲筒中藏神火二三十捲各不同或飛或走或跳或躍撲人眼目燒人鬚髮隨風四散焚糧驚衆勢不可遏飛入賊隊彼必自亂奮擊必捷

神威烈火夜叉銃

銃與常銃相同不必另造惟用堅木爲尖尖上用鏃上蘸虎藥而裹神火以鐵線懸縛鏃上遇人馬則釘入骨遇輜重則焚糧草遇船則燒蓬帆其鏃三稜倒鈎一釘入搖拔不出器雖常制而利害百倍也

飛雲霹靂砲

砲用生鐵鎔鑄其大如碗其形如毬中藏神火半升以毋砲發去飛入賊兵營寨霹靂一聲火光迸起若連發十碗滿地皆火彼必自亂先使驍將奇兵相其地勢預爲埋伏偃旗息鼓因亂而擊之又于應走之處各張旗幟設爲疑兵此古聖賢名將不傳之法也變而通之在人

右三器用偷營劫寨可保萬勝

固守火龍神器五件

萬勝神火屏風

屏用巨木制造高與城門相等下設四輪外以牛革爲帳內藏神火一十二件遠用遠器近用近器以壯士守之賊若近城神箭神鎗神銃萬火齊發聲震如雷人馬遇之擊成齏粉大開城門談笑而遣此守城第一器

爛骨火油神砲

用桐油銀綉金汁礮砂制成鐵砂磁屑將生鐵小砲發出一擊粉碎賊受其傷皮肉腐爛眼目昏瞎

萬火飛砂瓦礮

用火酒炒製礮砂和以姜粉牙皂砒礮毒藥成于瓦礮暗藏發去火藥擲于城下火發礮碎煙飛霧障撲賊眼目繼以砲石弩矢擊之

鐵汁神車

如賊造法物遮蔽推至城下滾木砲石俱不能禦城破必矣爲主將者束手坐視上負天子下負庶民城陷而死死之何名用木造車下設四輪以便推轉以爐竈鎔鐵成汁剖竹爲溜槽塗以漿泥晒合乾燥賊若城下攻打則推車隨賊以鐵汁注于城下如萬道火星四散雖厚木重革遇之立時穿透用車五十輛足抵精兵一十萬且用力不疲而成功甚速

神仙自發排叉又神火刀銃

用巨木鋸爲兩半剜刻陷槽以藏火器外鐵圈安毒火將鐵索垂于城下方用鐵猫墜于城下其妙在于藥信盤曲得法看賊勢緩急次第發出賊縱百萬攻城可談笑而得之或不時開門出奇兵以擊之爲將知此則在在皆堅城矣

攻打火龍神器四件

轟天霹靂猛火砲

如城失陷爲賊所據我兵在外無路可入必用此砲
斯能克捷砲用生鐵鎔鑄或容藥三升或一升搭立
高架四面齊發打入城內屋瓦皆飄烈火滿城盡成
灰燼雖神人智將不能解禦

毒龍噴火神筒

截竹爲筒約長三尺以貯毒火懸于高竿之上使壯
士持之突入城下乘風發火人不能守隨立雲梯令
敢死義士蟻附而登內外相應城雖金湯破在頃

神火飛鴉

用竹篾制造形如飛鴉兩旁爲飛勢翹腹藏火藥尾
縛催藥一遇大風送飛入城火光蔽天賊必亂矣

毒霧神煙炮

用狼糞艾納砒霜雄黃石黃姜粉牙皂蓼末巴油大
楓磁屑合和成藥藏于砲中攻打上城火發砒碎烟
霧四塞燃賊鬚髮焚賊衣鎧觸賊眼鼻毒藥薰蒸乘
勢而登無有不破之城在于主帥相其風候地勢而
舉之耳

以上火器卅八件除發貢狼機神鎗彈銃四器已行

于世不必重載為將者火器一千教以陣法授以節制足抵強兵十萬之衆上為天子之牙爪下為斯民之保障作一代之軍師輔萬年之帝業與太公諸葛並稱流芳百世得此書者非天上將星夙世仙骨亦不得遇此書乃天地玄機鬼神秘法心相契口口相傳意自古以來亦不多見苟用之不得其宜出之不以其時上有天譴下有王法必欽必戒斯樹勳遠害既明且哲以保其身此之謂歟

喻子曰此書不知作自何人其文義多不雅馴而余受學則于洪沙翁其法製多適于用其未秘戒蓋驕吾黨之妄傳而懼得者之為逆然為逆者不得亦忠順者得乎此未必無補是以敢輕洩之若云天譴將及則余志救萬姓而災在一身所不辭矣

下篇 有目

- 藥品 ○神藥 ○製火種方 ○又 ○引藥方
- 砲藥 ○母砲藥 ○鏡藥 ○又 ○噴筒藥 ○
- 地砲藥 ○地鼠 ○隔水藥方 ○又 ○隔水預火
- 藥 ○水鼠 ○起火藥 ○起大大方 ○繫平火
- 中平火 ○慢平火 ○炸藥方 ○火彈子方
- 飛空火藥方 ○長生火葫蘆法 ○水裏幟
- 火種方 ○鳥銃藥 ○大砲火藥 ○毒雷砲藥
- 瓦砲藥 ○竹將軍 ○水底鳴雷 ○風塵砲
- 糞確砲 ○毒藥烟球 ○滿天烟噴筒 ○飛
- 天噴筒 ○大蜂窠 ○火妖 ○火禽火獸 ○火
- 鎗 ○火鎗箭 ○火箭 ○大石擡箭 ○附武侯
- 水箭 ○煮箭砂法 ○見血封喉虎藥 ○各烟

○解毒藥方○萬勝神火配藥歌訣○又○
又○又○論火器○論火藥

藥品

硝火 性直 硫火 主橫 箬灰 主爆 柳灰 主烈 杉灰 主燥

槐皮 主銳 胡蘆桿灰 主烈 石灰 主大 麻楷灰 無聲 雄黃 火毒

雌黃 神火 ○從藥 桃花砒 砒即紅 鐵脚砒 黑砒 瑪瑙

砒 五色 潮腦 陰火 辰砂 爆 水銀 爆 銀綉 爛 江子油 毒

麻油 煮 桐油 燒 麻子油 爆 金汁 爛 蒜汁 毒 狼毒 熱 附

子 熱 天雄 熱 甘遂 逆 常山 嘔 川黃 利 鬧羊花 泛 薑粉

迷 牙皂 嚏 川烏 毒 草烏 鬧 鈎吻 斷 巴戟 毒 巴豆 吐 巴

霜 毒 砒灰 迷 人精 毒 半夏 噤 班猫 信 狼糞 風 江豚灰

逆 蜈蚣 毒 蝦蟇 毒 銀杏葉 火 鐵脚蓮 毒 大小蓼 毒

黃 毒 爛骨草 爛肉 破血草 毛孔着 封喉草 立啞 斷

草 人食腸 寸斷 墨記草 毒 爛 蘆花草 毒 蒲花草 火 乾漆 火

右法藥六十品製煉神火毒火法火各配合有方

煅煉有訣差之毫釐謬以千里專兵者宜熟焉

神藥二十八味按天上二十八宿

角木蛟 蛇含草應之用十二兩

亢金龍 地龍尾良薑草應之用九兩

氏土貉 半夏川烏草應之用十二兩

房日兔 兔頭商陸應之用六兩

心月狐

狐跋蘆黎蘆草應之用六兩

尾火虎

虎牙鈎吻草應之用十九兩

箕水豹

豹眼南星應之用十一兩

斗木獬

甘遂鑽骨草應之用二十五兩

牛金牛

牛舌天雄草應之用七兩

女士蝠

鬼頭大附子應之用十一兩

虛日鼠

鼠尾荒花龍卵草應之用九兩

危月燕

神仙草海藜草應之用十六兩

室火猪

猪牙皂角茱萸草應之用十七兩

壁水獮

掛劍獮牙皂箭草應之用九兩

奎木狼

狼牙宣姜狼尾草應之用十六兩

婁金狗

木鱉斷腸破血草應之用十二兩

胃土雉

雉頭鬼臼胡姜應之用十二兩

昴日雞

雞目胡辛射干草應之用十一兩

畢月鳥

川烏草應之用十七兩

觜火蛇

江子將軍草應之

參水猿

川紅辛大楓子應之用十兩

井木犴

雷公藤草應之用三十四兩

鬼金羊

羊躑躅閉口草應之用二兩

柳土獐

大戟江茅草烏頭應之用七兩

星日馬

雷丸商陸草應之用七兩

張月虎

垣紫玉金大戟草應之用十七兩

翼火蛇

蟠蛇不食毒箇草應之用十九兩

軫水蚓

魚鱗艾納草應之用十七兩

右各製極細末和以砒霜礦灰蛇含石硝硫黃斑

猫石黃蜈蚣蝦蟆蝻蛇虺蛇煉蛇孔雀尾蝎合造

以大砲燒放名曰神煙將風揚之名曰神砂注于

水中名曰神水造用吉日各依方法虔誠祭禱二

十八宿旗幟更設祭品以祀雷師風伯祝融炎帝

引火之神山川社稷江河湖海之神歷代軍師名

將之神為上順天道下應民心然後可用雖強

百萬可坐而勝也苟徒貪兵忿兵惟嗜殺人則大

功難成天壽必損故用之者必順天應人可也

製火種方

用板帑燒灰存性一兩火硝一兩用童便浸二七日

去性炒乾又用豆腐漿炒數次淨用八分硫黃三分

用桐子樹梢燒炭三錢共為細末入葫蘆內置香頭

一寸燃着為准

又

不木灰一斤鐵衣三兩炭末三兩麩皮三兩紅棗肉

六兩畧拌米泔水爲餅每餅管一月

引藥方

硝一兩火酒製過箬灰斑猫各二錢硫二分

砲藥

硝四兩硫一錢斑猫一錢二分灰七分

母砲藥

硝一斤硫一兩炭三錢五分

銃藥

硝四兩硫一錢灰一錢二分 又方硫一兩黃五錢

炭三錢

噴筒藥

硝二兩黃四錢五分細砂七錢五分製用桐油巴

灰三錢五分

地砲藥

硝四兩硫三錢蜜陀僧四分灰三錢

地鼠

硝一兩黃二錢炭一錢五分

隔水藥

硝一兩黃三錢炭一兩

又隔水預火藥

秘書兵衡卷之六

硝一兩黃二分炭三錢木香一錢

水鼠

用前地鼠藥一半用隔水藥築之如此藥隔數層方

起火藥

硝一兩黃三分灰一錢五分

起火大方

硝一兩黃五錢炭二錢五分

緊平火

硝一兩黃五分炭三錢

中平火

硝一兩黃五分灰二錢五分

慢平火

硝一兩黃五分灰二錢

炸藥方

用硝一斤硫黃半斤柳灰一兩六錢石黃一兩六錢
雄黃八錢研為細末用火酒半斤調勻仍判如菜豆
大臨用每斤加汞二兩

火彈子方

用松木炭一錢樟腦七分黃一兩硫黃三錢松脂三
錢共為細末燒酒調勻做小模子打如櫻桃大每箇

約重二錢四五分爲度其鐵筒照樣

飛空藥火方

用樟腦七分松脂二錢石黃五錢共細末燒酒調作
圓餅小酒鍾大晒乾聽用

長生火葫蘆法

用大葫蘆一箇嘴上開一孔可容一指倒去子穰用
好金墨研雞蛋清入內盪過晒乾如此三四次入長
生火藥于內外用帛筋熟泥固封之以乾葛爲塞塞
住葫蘆口其火經年不滅拔去塞則火噴出如放花
遠如不用仍塞之

水裏藏火種方

以紅棗去核用老荔枝石灰要成片不曾見水者各
等分和合晒乾火煨存性聽用

烏銃藥

硝四十兩淨黃六兩柳灰或浮萍或蘆桿灰六兩六
錢

右各另用木柏搗爲極細末照前分兩配合用水
畧拌濕杵干下取起晒乾如此三次爲細末每一
銃用藥二錢五分要打遠再加五分鉛子大小照

藥輕重用

大砲火藥

晉州硫十四兩窩黃七兩焰硝二斤半麻茹一兩乾
漆一兩砒黃一兩定粉一兩竹茹一兩黃丹一兩黃
蠟五錢清油一分桐油半兩松脂十四兩濃油一分
右以硝黃同搗羅砒黃粉丹同研乾漆搗為末竹
茹麻茹微炒為碎末蠟脂二油同熬膏入前末和
勻以帛五重裹衣以麻縛定別鎔松脂傅之以砲
放去

毒雷砲藥

硝五斤黃一斤灰一斤半信二兩巴霜二兩狼毒
兩斑猫二兩礪砂一兩鐵子磁鋒各四兩大約分
八砲

瓦砲藥

硝一斤黃四兩杉木灰四兩土砲碗大空腹容藥二
合雷豆大眼厚四分燒作瓦砲慢慢磨入藥約有九
分以竹一節釘入藥空處入藥信外帛糊點擲入賊
喻子曰無銅鐵之費有炸擊之功且處處時時便于
取用功莫妙于此矣恐將軍雷電不以此易之

竹將軍

大竹當砲用之木亦可不崩毀傷人一便也敵人得

之不可再用二便也每位工價不過幾分三便也隨地可造四便也輕便可遠行五便也易佈易舍易移六便也南北水陸皆宜工無巧拙可造七便也居中曰北方少竹木亦可爲之

水底鳴雷

卽用地雷法更加入水法造之以破賊船

木筏發槓

木筏架木發槓以擊賊船乃無傷于己船

風塵砲

用壙子石灰羅過桑柴燒火炒半炷香用大口小底瓶數千底用艾醮一竅安帑炮在內藥信從底出將石灰實瓶生牛皮固瓶口向下風放之砲響瓶破灰揚迷目致勝之一術也其帑炮用雞子殼裝瓦砲藥帑糊晒乾再糊厚二分

糞罐砲

人清末一秤狼毒半斤草烏頭半斤巴豆半斤皂角半斤砒霜半斤砒黃半斤斑猶四兩石灰一斤荏油半斤入護內煎沸入薄瓦罐內容一斤半者草塞口砲內放出擊攻城之人可穿鐵甲中則潰爛放砲者亦先以烏梅甘草置口中辟毒

毒藥烟毬

毬重五斤用黃十五兩草烏頭五兩硝一斤十四兩
巴豆五兩狼毒五兩桐油二兩半小油二兩半木炭
末五兩瀝青二兩半砒霜二兩黃蠟一兩竹茹麻茹
各一兩一分

滿天煙噴筒

截粗徑竹二寸布箍用硝黃砒霜斑猫剛子礮砂膽
礬皂角銅綠川椒半夏燕糞烟煤石灰牛蘭草草烏
水蓼大蒜得法分兩製度磁砂玉田砂毒繫鎗
頭順風燃火則流泪噴涕閉氣禁口守戰俱用

飛入噴筒

硝黃樟腦松脂雄黃砒霜以分兩法製打成餅筒口
并兩邊取渠一道用藥線拴之下火藥一層下餅一
箇緊送入噴之可高十數丈遠三四十步粘帆櫓上
如膠立燃此極妙之藥也

大蜂窠

範大炮帑糊百層間布十層內藏小砲半入毒半入
火又間小砲入灰媒地鼠頭帶火磁砂炒毒鐵蒺藜
糞汁毒炒包松脂硫黃毒人髮角屑等件此一火器
戰守攻取水陸俱用奪心眩目碎膽傷人

火妖

帚糊拳大内盪松脂入毒火外煮松脂柏油黃蠟燃
火拋打煙焰疾藜截脚利水戰守城俯擊短戰

火禽火獸

胡桃藏火針雉尾以焚人草營○杏核藏火針雀尾
以焚城中屋○小葫蘆藏火針野猪等獸尾以焚人
寨積

火鎗

硝十兩黃一兩五錢灰三兩巴肉一兩斑狗一分信
五錢小鐵子二兩磁砂五錢

火鎗箭

長鎗之上安火箭宜以半竹隱其長信臨將交刃時
放之賊不覺受箭

火箭

硝十兩黃八兩炭三兩三錢柳木花桐茄根三灰起
火神妙

大石播箭

帚二三層柳樹箭桿加麻布縛緊以松香鎔化封固
又油帚糊過引線眼向前矢鏃須要鋒利倒鈎發火
開弓水澆不滅

附武侯水箭

巴肉三斤藤黃八兩毒草皂角砒膽礬砂各一斤
共未用石灰五斗炒紅裝罈內將滾水百斤先以藥
試入內後以滾水澆下封口過一月取起藥袋其水
分作四五罈仍封口臨陣以噴筒噴賊眩眼爛肉

者箭砂法

篩過鐵子黃豆大用石灰一斗炭灰一斗和勻礬砂
二兩五錢黑砒四兩巴豆肉四兩皂角末四兩與前
灰一處以滾水取濂聽用將鐵子入大砂鍋中濂煮
火酒炒乾仍濂洗又火酒炒經聽用

見血封喉虎藥

龍爪花根洗去黑皮搗爛入桐油慢火熬膏收貯聽
用麻骨灰為藥無聲

各煙

紅煙用硝一兩松香二兩黃丹一兩瀝青八錢○紫
烟用硝一兩黃三錢灰一錢紫粉五錢麻油少許○
黑煙用硝一兩黃三錢灰三錢木煤三錢皂角末三
錢○青煙用硝二兩樺灰二兩黃五錢青黛二錢灰
一錢○白煙用硝一兩灰三兩五錢火酒一斤煮乾
○五色黑霧用艾朮百斤硝二十斤硫五斤杉灰五

十斤木屑十斤上風懸起焚之黑煙滿天地

解毒藥方

明雄半斤砂仁二兩用白鴨九浸九晒又菜豆漿白
蘿蔔汁樟木湯各三浸晒細末用烏梅肉二兩甘草
半斤熬膏和光鷄頭子大遇毒藥驗一丸碾毒藥時
用真阿魏抹口鼻竅毒氣不傷

萬勝神火配藥歌訣

神火燒營第一方石黃一味更難當燒酒浸來麻油
炒足用三斤性太剛加上雌雄并黑信蘆花艾朮共
松香巨末攪和銀杏葉更加乾葉與巴霜松香一斤
餘四兩三七均分火藥強飛雲砲裏深藏貯落地
天發火光吐霧噴煙紅滿寨賊兵箇箇火殘傷破
衝鋒真利害又燒衣甲及輜糧

又

銀杏松香各一斤一斤硫火要均停石黃雄信各三
兩提過水硝要七斤每斤四兩灰爲使劫寨燒營功
最深

又

蘆花合用桐油拌密室炙乾仔細藏一藏風日不可
見一見之時放火光此物十斤不可少更配松香與

豆黃銀葉細羅乾糞配更加皂末要相當松香三斤
各八兩一一分明不可忘却用火藥三七配霹靂臨
風烈焰揚燒人衣甲鑽人眼滿面肌膚爛作瘡任他
虜賊雖千萬砲響連聲一掃光

又

鐵子鎡鋒巴豆粒礪砂銀綉人中汁連三午火要焙
乾再把桐油炒燥炙取將火性輕輕滾一砲不過二
三合假使虜人十萬餘此砲只用三四十飛砲打入
賊營中霹靂一聲天地裂鑽人孔竅透人腸開口封
喉真妙訣

又

狼糞多收與艾朮須教加用江猪骨骨髓為灰肉煉
油油拌硝硫灰性烈晒焙須當用極乾逆風愈勁真
奇絕還當二八配分明火攻陣內神僊訣

論火器

鳥銃宜用于南蓋山川有據而準的可施也三眼神
鎗宜用于北蓋發快相續所及頗寬而發後即可持
以擊人馬也火箭宜長枝而短用之二三十步平按
地上而用之無不宜也

論火藥

王鳴鶴曰硝磺灰對定分兩加水舂之合成菜豆子
大臨時入銃甚易無崩塞之患若碾細不舂不定分
兩不用帛筒竹筒各裝而乃總入大袋馬上攪篩硝
黃沉下灰上浮初放者灰也不響既放者硝黃也銃
必損矣南方之製硝用水膠或腥物提淨磺不用底
灰或柳或杉各有分量濕柳乾柳性有緊慢紅杉白
杉情有遲速新葫蘆舊瓢蒂性亦異茄桿灰苧麻桿
灰亦殊銃之有聲無聲于是乎取分量既定乃作水
舂約藥一斤用水二碗乾時更入頭燒酒一碗舂如
菜豆擊于掌上火升而手不熱斯妙矣舂之不細則
有白點落于中能傷手如藥至手擊不熱裝入銃內
豈有後坐之理銃平底則不後坐然子重于藥則多
半落藥強于子火鎔子死子藥相停更宜管門子門
同圓藥力氣全門大子小藥氣上燎子或偏歪出之
必垂子被火死決無中理習者知之良于弓矢
附素韜餘奇拔尤
居易子楊庭松傳

雙頭神棍

鐵棍一條銅錢大長五尺中間三尺實兩頭畱空筒
裝藥先用土實之次入鉛子一二箇仍以帛團塞之
漆皮包掩列對轎前令人不覺有意以次施放

秘隱神鎗

雙股叉中隱銃其用同上施放後仍可刺擊人

神威火箭

柳炭五兩火硝一斤硫黃四兩八錢斑猫五錢砒三錢五分潮腦四錢百草霜三錢共爲細末用竹帛捲成筒外用礬過夾帛爲身內藏帛爆拴縛如法燒敵船積蓄先用起火爲中桶旁安砂火爆二桶同繫上安小倒鬚箭一根放去刺住處卽發火如人仰救則內有神砂一星入目卽瞎火不可救

飛空神砂

上田砂一斗用燒酒五斤好醋五斤入炒草烏五斤狼毒巴豆南星川烏各四兩砂鍋水煮至一半去渣再熬如錫却將砂入內漫火熬將乾時再用砒礪硝灰銀底子各四兩爲末同炒亦用大起火送去敵營上帶爆二箇爆破砂落其功如神

火騾

用劣騾百十頭尾用麻布纏緊蠟油灌之製駝架鞍其兩旁木各與騾面齊使不得轉身左右駝大砲二箇各要鉛子二十俱重一錢二分遇敵對壘約至二更時分點着騾尾走信到砲令力士鞭驅赴敵敵必

驚亂乘勢破之火馬火牛倣此

燔積火風箏

箏後用起火一桶上帶神砂爆一箇藏火種近引順風隨線飛去引發爆破砂落火着

門內伏弩砲

火櫃二箇上藥下火將走線拴繫門上隨繫弩機引大石子推出小石近打爲星遠打爲月

自犯伏弩砲

凡安火砲弩箭俱用小旗爲號以鐵絲牽引火候故設赤旗拴連絲上以鈎扣絲入地虜見衣物必取扯犯火候其砲打箭射虜死無可遁

盪犯伏弩砲

虜見前砲箭所傷必不敢取衣物必遶路而行又盪犯火候其砲又打箭又射矣

鑼鼓弩砲防盜

凡野宿安營與敵對壘恐賊劫營將鑼鼓安置路上上帶弩箭火砲賊至盪犯鑼鼓齊鳴砲弩俱發以拒賊回又使我兵預知且賊以爲固伏兵也

各犯弩砲

拴連三層每層安砲伏弩三二十敵至一層卽扯一

層火候至幾層卽扯幾層火候平地盡刀斧矣

地雷火砲

用大竹筒八根或十八根或二十八根以至一百八十根俱穿節通又用小竹同十六根或三十二根以至千六百根亦穿節通以小竹筒實藥入大竹筒內埋衝要八方每筒安砲十位中置火候線引城上或穿穴伏卒尤妙料賊入門卽扯火候砲打八方賊立盡

倚山鑿石爲砲

令石近于衝要隘口鑿山石爲砲安置一二

處或

三五十處以河內小石爲砲子木屑起信捻以信捻接信捻每一發石子一二萬餘用小紅旗爲號虜見紅旗必取扯犯火候其機接連亂打或穿穴埋伏一卒或潛山頭上料賊至砲所扯犯消息其砲若驟電相擊首虜不見卒形神器自打只用一二卒扯砲可守一口無虞

火獸

以灣木作架配犍牛身之大小若今之驢上架以架上作根却從架上生發打造方面架三層將牛首身尾俱藏架內外四面多安利刃用紅布爲幔遮牛于

尾前腰後安火藥三筒次第施放倘欲攻敵或劫營
撓敵等用將此牛牽近敵營火發牛痛奔敵善挫正
陣破堅營乘亂取之

醉僂毬

毬徑一尺二寸內安行火藥二筒藥信合總露于外
毬用帟糊之夜不收竊負入敵營而潛出火發盤旋
跳躍戎馬奔走乘亂攻之必勝

旋風砲

毬徑七寸內安行火藥二筒并帟砲一箇扎住于毬
筐內藥信通外以帟糊之毬筐備畢此劫營之具多
用數砲馬必驚奔人必驚散使敵自棄

狼牙砲

紙砲徑四寸厚一寸砲內安飛燕子二十箇外行火
藥四筒長五寸圍四寸外用竹筐共糊作一大砲劫
營發火盤旋刺擊殺人傷馬其飛燕子筒長二寸圍
一寸八分內行火藥尾上安尖釘釘上塗見血封喉
藥用之

一母十四子砲

硫磺一斤硫黃三兩二錢杉木灰四兩以竹篾作砲
胎徑二寸紙糊砲一十五箇先以一箇作母十四箇

作子週圍抱住一砲藥信長短總于內紙糊其外作
一個大砲用墨記信處一點着次第十五聲鳴擊山
上擲下敵人焦頭而奔仍有劫營雜用又可作號砲

小一窩蜂

硫硝一斤硫黃四兩杉木灰四兩八錢硃砂一兩六
錢右末用鉛製過水銀四兩石子每箇重三分彈子
每箇重五分用火藥打成塊生鐵菱角每一錢生鐵
子每箇重一錢檀木桿子徑二寸半趕紙筒長一尺
三寸厚四分或用大竹外以生牛皮裹住晒乾亦可
頭上畱指大一眼紙塞住用前件攪勻打實封固繞
于長鎗頭上火發三四丈鎗長一尺二寸此器火發
勢如羣蜂雜于短刀長牌中步戰之勝技也

鐵蜂

筒長四寸徑一寸桿長二尺五寸鏃一寸五分倒鬚
翎毛長三寸五分筒外用麻索密細一層紙糊封固
後一頭槌二寸八分深安釘于後作墜子離口六指
秤平使于馬上懸帶與火箭同但小巧便于收拾有
三百步之功

流星砲

鎗桿用苦竹如小指長四尺五寸翎毛長四寸五分

筩長五寸徑一寸鎗鏃倒鬚有槽可塗見血封喉藥
長二尺五寸脚長五寸筩打藥畢後安紙砲一箇與
筩大小長一寸八分鎗中人馬後有砲鳴使敵人驚
馬駭可乘亂取勝

反覆火鎗

藥物製度同前惟此筩打藥十分之七以紙隔斷一
分厚打劣火藥滿畢以紙糊密封堅固藥從內通至
外仍從外復通至內後仍錐眼安藥信畢前面錐三
寸深離口大指秤平鎗尾倘輕用鐵釘作墜丁安于
翎尾以大指爲則例中人後有回火倒出能敗隊騎
燒人馬輜重有二百步之力

噴鎗一把連

硝一斤黃五兩杉木炭四兩八錢砒霜一兩六錢硃
砂三兩二錢雄黃二兩四錢水銀三兩二錢大生鐵
砂半斤先下黃研細末次下硝徐徐入炭研爲細末
晒乾復研極細用荻竹一段約長二尺五寸打通節
雷底下用黃土上用鐵口外用細麻索密繞一層用
濃礬水滴于上又用麻布料灰再上麻索一層粗細
瓦灰後上添漆却將半指厚鐵片照筩底大小安平
黃土實築二寸晒乾爲度將前各藥和勻實築畢打

再用隨竹大小一節二寸在口內上加黃土築實方安木桿鐵頭鐵翎箭在口內插滿長一尺皮作護手盤子下以木柄鐵箍三道晒極乾方佳

月落星隨砲

大將軍砲上加大石隨口大小仍加生鐵彈子三升于石砲內每箇重四兩仍以土實裝于內至口欲攻敵以土布袋覆砲上發時石砲七百餘步彈子左右橫占五十步卒遇危急不可救援用之可破萬衆

靜江龍

緊藥用硝一斤黃四兩八錢杉木炭四兩雄黃四錢八分礮砂八錢水飛過硃砂四兩砒霜一兩六錢銀鉛製四兩共末又慢藥用硝一斤黃六兩二錢煤四兩砒霜八錢雄黃四錢八分礮砂八錢水飛過硃砂四兩鉛製水銀四兩共末右二部藥以竹爲筒徑一十二分長一寸外加紙糊纏扎又以油單帑數層爲皮先以緊藥打一節次第築藥緊慢共八節打滿口內築黃土五分外以蠟汁封口兩頭畢上用杉木作浮子頭上用藥信細作欲從水中劫敵船之猶纜鑿底致勝恐水中有毒蛇鼃鼃等傷害用此無患

陰陽鑽

造鐵筒徑二寸三分內安劣火藥紙筒于內油紙作皮旁有一鐵鏈長五寸頭上曲扒利齒濶二寸半劣火藥筒火出燒船近水之處焦黑用鐵匙頭且燒且磨恐賊知覺當于近處夜以燈花銃及響器雜其耳目燒通則可立俟沉溺擒賊

火龍砲

硝一斤黃四兩杉炭四兩砒一兩六錢生鐵米砂一斤打法與小一窠蜂同徑二寸長八寸外用油紙數層作皮頭尾俱用蠟汁封固二筒聽用又打築火藥二筒亦蠟汁封固聽用杉木一丈二尺將大頭

一半截一段五寸長將行火藥二筒向後劣火藥二筒向前縛其杉木鋸處藥信自行火藥後會通至劣火藥頭處以油紙蠟汁封固防水濕之患行火藥筒口邊鏟去二路易于出火露出木頭削尖安鋒利倒鬚鎗頭旁安猪尿泡二筒作浮用鐵箍沉水挑起頭安水上照賊船筏發去燒之

水葫蘆

用竹篾作筐內空徑一尺外通圍三尺四寸先用綿紙厚糊數十層生熟二桐油透過再用生羊皮幔裹訖又用生熟桐油畢用索套在細作腋下布袋拴

住大風浪不沉再用囫圇剥下羊皮扎其四足去毛吹氣以生熟桐油透過內藏攻具火藥噐金鎖匙等物吹氣在內扎住細作頂毬載火而進更以鷺掌縛于兩足水行甚速

大一窩蜂

藥物與小窩蜂同令匠鑄成生鐵筒口徑三寸細作宜設法用此火噐或點火擲入船內三五個數十小筒遍滿船艙上下交作燒眉燎鬚穿懷入袖及焚人積聚用之

羣蜂砲

藥物同前用竹篾爲筐如五升斗大以厚紙糊四層曬乾上糊油紙一十五層用行火藥打造飛燕子二十箇開砲一竅投入并入藥七分厚糊曬乾安麻索細作懸帶擲入賊船內先砲鳴驚燒入內飛燕四合撞擊傷人刺足必破賊矣

鯢油瓶

東海鯢魚熬油注小瓶內瓶口以麻繩拴緊倘偶賊船以紙撚蘸香油點火投入瓶內以物塞瓶口擲于賊船燃之瓶破火發若以水澆愈熾愈焚油盡方息

碎錄諸方

行藥

紙炮 硝一斤黃二兩 將軍砲 硝一斤黃一兩 劣火藥 硝一斤黃四兩

一兩六錢生鐵砂一兩 行藥 硝一斤黃三兩 見血 硝十兩燒

封喉藥 盆盛一月內取草鳥搗汁以磁 急砲藥 硝十兩燒

噴鎗藥 硝十兩黃一兩 火彈藥 硝十兩黃一兩

急噴鎗藥 上方減 急紙炮 前藥研千遍方

水拌勻碾成餅塊用切 信藥 好淨硝一斤黃三兩

二干遍拌濕碾塊 火箭藥 硝一斤黃四錢 火箭矢上

藥 硝一斤黃五兩 烏鏡藥 硝一斤黃二兩 快鎗藥 硝一斤黃

銃藥 硝一斤黃二兩 石砲藥 硝一斤黃六錢

三兩 八錢

喻子曰凡火藥之用研到不如春到春到不如煮到

三者並到而後發無聲去無煙及人而不知其然又

必成藥之後計每器用末若干或豆幾粒皆各成小

包臨敵應手得之不者搬節日久重藥墜下輕藥浮

上非惟無適于用將自損也

居中按上篇發千古之秘下篇備當時之制附錄又

盡秘密之用皆鑿鑿可行視諸家有論無方有方無

論者不同且一切荒唐汗漫之說俱不入此也惟明

者酌取慎施務以殺賊救民為心庶不負乎世

論者不同且一以爲書不妄之語則不可入此也其
書好密之川昔者蓋蓋下言其密定其命無不
其申其土蓋幾千古之疑不爲其富却之歸則其
上其封無幾于川洙自其也
宜謂始觀于其之不者謂其日入重藥則不連藥其
必丸藥之效信其器用未若于其豆幾世昔各丸少
三昔並既而對發無其去無其又入而不其其然又
得于曰丸火藥之川既既不其春其春既不其然既
八
三

喻子十三種秘書兵衡卷之七

- 西吳 胡維寧敬仲 彙成
- 雲林 龔居中應圓 傳輯
- 廬陵 蕭曰桂涵馨 叅論
- 子家 侄祖法克繩 訂錄
- 鍾山 鄭大經道常 梓行

延稍 有引并目

夫方術多矣然不離于道就道內引之術爲秘就
引乎方術又莫秘于天就天言術以究其施又莫
秘于兵家之用昔王先生着易六丁下取雷電交

作叱所洩安在謂上方禁文有飛天神王衛之笥
帙所不可藏夫易以理言天待實于虛且不容洩
若是況直以天言天更就天之内言其最秘悉發
陰陽晦明風雨雲雷氣色萬象一切昭示斯人使
悉知勝敗吉凶之機而可以先動之決其避趨其
端細其效宏潛移造化之柄而欺天地之罔倪擅
立億兆生民之命而不自爲尸其所洩又何如者
哉喻子集諸天文秘經挾諸秘授滙爲一書乃于
一書中專出談兵要用爲一卷付之學者置兵衡
集中將人知用兵而喻子可潛于世天倪悉達而
鬼神不可掩其機于志則舒于功則碩喻子愉矣
獨不畏六丁之下雷霆攝奪之乎曰無畏也有其
備矣昔薛孤延運稍刺雷雷披靡而走勇之精誠
之極也今喻子之勇延也其運萬丈長虹縮爲三
寸馳逞六合内外而莫與抗衡者稍也有其備矣
雷何畏焉躍馬前呼直叱而靡之矣乃命之曰延
稍里人彭國輔二郎言

天體○二道○河漢○星數○度數○中天
○分野○步天○精義○經星○緯星○七
政○五行○天占○日占○月占○星占○
風雨○雷占○雲氣○雜占

天體

異郵云周天一百七萬一千里。每一度爲二千九百三十二里七十一步二尺七寸四分。周禮日至之景尺有五寸。謂之地中。鄭衆云玉圭之長尺有五寸。以夏至之日在八尺之表。其景與玉圭等。謂之地中。鄭玄云。凡景立表于地千里而差一寸。景八有五寸者。南戴日下萬五千里也。以此推之日當去下地八萬里矣。日斜射陽城則天徑一半也。

二道

赤道帶天之弦出兩極各九十一度。少強黃道日之所行也。半在赤道外。半在赤道中。東交于角五。少西交于奎十四。少強出外極遠者二十四度。斗廿一度入內極遠者二十四度。并廿五度是也。

河漢

天河起東方箕尾之間。謂之漢津。乃分爲二道。其南經傳說魚天。籥天。弁河。鼓其北。經龜貫箕。下次絡南斗魁。左旗至天津。下而合。乃西南行。又分夾人星。瓠瓜。杼。臼。造父。騰蛇。王良。附路。閣道。北浸大陵。天船。卷舌。而南行。經五車。兩河之南。入東井。水位而東南行。絡南河。闕丘。天狗。天紀。天稷。至星南而沒。

星數

三垣二十八宿并附近星官總二百八十三座一千四百六十四星微星則萬二千五百二十

度數

角	十二度	亢	九度	二	氏	十六度	房	五度	六	心	六度	五
尾	十九度	箕	十度	三	斗	二十五度	牛	七度	二	女	二十度	一
虛	九度	危	十五度	室	十七度	璧	尺度	六	奎	十六度	婁	一
井	三十三度	鬼	二度	二	柳	三十三度	星	六度	三	張	十七度	七
翼	十八度	軫	十七度	三	南	百六	其	九	度	在	逐	分
分	七十分	八	一	南	百	六	其	九	度	在	逐	分

中天

立春 ○昏刻胃十度 ○一更參四度 ○二更井三十三度
 角五度 ○曉刻房二度

雨水 ○昏刻畢三度 ○一更井十二度 ○二更柳十一度
 更一更 ○曉刻尾初度

驚蟄 ○昏刻參七度 ○一更井三十度 ○二更張十四度
 度 ○曉刻尾十一度

春分 ○昏刻井十四度 ○一更柳十一度 ○二更翌十五度
 度 ○曉刻箕初度

清明 ○昏刻井三十二度 ○一更張八度 ○二更軫三度
 度 ○三更角一度 ○四更亢四度 ○五更心

四度○曉刻箕九度

穀雨 ○昏刻畢二度○一更翼入度○二更角初度
○三更亢三度○四更氏八度○五更尾八度
○曉刻斗七度

立夏 ○昏刻張十五度○一更軫六度○二更亢三
度○三更氏八度○四更房五度○五更箕一
度○曉刻斗十七度

小滿 ○昏刻翌十七度○一更角七度○二更氏十
七度○三更心二度○四更尾八度○五更箕
一度○曉刻牛四度

芒種 ○昏刻軫十六度○一更氏二度○二更心五
度○三更尾五度○四更箕四度○五更斗十
六度○曉刻女十度

夏至 ○昏刻氏四度○一更房二度○二更尾十五
度○三更箕七度○四更斗十度○五更女
度

小暑 ○昏刻心初度○一更尾五度○二更斗初度
○三更斗十二度○四更斗一十四度○五更
虛五度○曉刻室五度

大暑 ○昏刻心初度○一更尾十九度○二更斗十
四度○三更牛四度○四更女二度○五更危
十二度○曉刻壁五度

立秋 ○昏刻尾五度○一更斗三度○二更牛四度
○三更女十一度○四更危五度○五更室四
度○曉刻奎七度

處暑 ○昏刻尾十五度○一更斗十四度○二更女
十一度○三更危五度○四更室四度○五更
奎七度○曉刻胃七度

白露 ○昏刻箕五度○一更牛初度○二更危三度
○三更室三度○四更壁二度○五更婁七度

○曉刻昴十二度

秋分 ○昏刻斗四度 ○一更女四度 ○二更室一度
○三更壁初度 ○四更奎八度 ○五更胃十一度
○曉刻參初度

寒露 ○昏刻斗十三度 ○一更虛四度 ○二更室十
二度 ○三更奎六度 ○四更婁七度 ○五更畢
二度 ○曉刻井九度

霜降 ○昏刻斗二十二度 ○一更危六度 ○二更奎二
度 ○三更婁四度 ○四更胃十二度 ○五更參
二度 ○曉刻井二十九度

立冬 ○昏刻女初度 ○一更室三度 ○二更婁初度
○三更胃七度 ○四更昴十一度 ○五更井十
一度 ○曉刻柳十三度

小雪 ○昏刻危六度 ○一更室十六度 ○二更胃二
度 ○三更昴七度 ○四更畢十六度 ○五更井

大雪 ○昏刻危六度 ○一更奎七度 ○二更畢四度
○三更畢十二度 ○四更井五度 ○五更柳十
一度 ○曉刻翼十一度

冬至 ○昏刻室七度 ○一更婁七度 ○二更畢九度
○三更井二度 ○四更井二十三度 ○五更張
九度 ○曉刻軫十五度

小寒 ○昏刻壁八度 ○一更胃十三度 ○二更參六
度 ○三更井十九度 ○四更柳四度 ○五更翌
八度 ○曉刻亢一度

大寒 ○昏刻婁二度 ○一更畢三度 ○二更井十五
度 ○三更柳四度 ○四更張初度 ○五更軫四
度 ○曉刻氐六度

分野

自軫十二度至氐四度爲壽星于辰在辰爲鄭之分
兗州自氐五度至尾九度爲大火于辰在卯爲宋之
分豫州自尾十度至南斗十一度爲析木之津于辰
在寅爲燕之分幽州自南斗十二度至須女七度爲
星紀于辰在丑爲吳越之分揚州自須女八度至危
十五度爲玄枵于辰在子爲齊之分青州自危十六
度至奎四度爲諏訾于辰在亥爲衛之分并州自奎
五度至胃六度爲降婁于辰在戌爲魯之分徐州自
胃七度至畢十一度爲大梁于辰在酉爲趙之分冀
州自畢十二度至東井十五度爲實沈于辰在申爲
蜀之分益州自東井十六度至柳八度爲鶉耳于辰
在未爲秦之分雍州自柳九度至張十六度爲鶉火
于辰在午爲三河周之分梁州自張十七度至軫十
一度爲鶉尾于辰在巳爲楚之分荊州

步天歌

紫微垣 中元北極紫微宮北極五星在其中大帝
之座第二珠第三之星庶子居第一號曰爲太子四
爲后宮五天樞左右四星是四輔天乙太乙當門路
左樞右樞夾南門兩面營衛一十五上宰少尉兩相
對少宰上輔次少輔上衛少衛次上丞後門東邊大

贊府門西喚作一少丞以次却向門前數陰德門裏

兩鳥聚主施德明則新君踐祚尚書以次其位五女史柱史各

一戶御女四星五天柱主國法禁令大理兩星陰德邊明則

刑平勾陳尾指北極巔護軍象勾陳六星六甲前天皇獨

在勾陳里五帝內座後門是輔辰象華蓋并杠十六星

蔽帝座杠作柄象華蓋形蓋上連連九箇星名曰傳舍

如連丁賓客館明吉暗則胡兵入垣外左右各六珠右是內階左

天厨階前八星名八穀明熟暗荒厨下五個天棓宿天子先驅

御示難天床六星右樞在內厨兩星右樞對文昌斗上半

月形稀疎分明六箇星文昌之下曰三師太尊只向

二師明天牢六星太尊邊太陽守在四勢前刑館不立明

一箇宰相太陽側更有三公相西偏卽是玄戈一星

圓動則夷兵起天理四星斗裏暗輔星近著開陽淡北斗

之宿七星明第一主宰名樞精第二第三璇璣星第

四名權主伐無道第五衡主殺有罪開陽搖光六七星搖光左

三天槍明

太微垣 上元天庭太微宮昭昭列象在蒼穹端門

只是門之中左右執法門西東門左皂衣一謁者以

次卽是烏三公三黑九卿公背立五黑諸侯卿後行

四箇門西主內屏五帝內座于中正明則天幸臣太

子併從官烏列帝後從東定郎將虎賁居左右武備從者

常陳郎位居其後常陳七星不相誤郎位陳東一十

五常陳主宿衛郎位主民官兩面宮垣十星布左右執法是其數

宮外明堂布政宮三箇靈臺候雲雨少微四星西南

隅一名處士長垣雙雙微西居北門西外接三台與垣相

對無兵災上台司命主壽中台司福主宗室下台司祿主兵一曰泰階上階上星為天子下星

為女主中階上星為諸侯三公下星卿大夫下階上星為士下星為庶人從上台至中台十六度中間相

去半度闊為疎狹為迫若人君剛勁好用兵威則上階上星疎而色赤若諸侯夷狄侵境內外擾動則中

台下星疎而色白若卿大夫姦邪營私則下階上星疎而色赤若民不從法則下星近而色赤疎近均大

小類光色同則吉星搖則主謀逆一星去天下大亂若火守則三公有戮死者雷二十日則兵起

天市垣 下元一宮名天市主權衡聚眾斬戮之事兩扇垣牆

二十二市中星潤澤則歲實稀則歲虛彗出則徙市易都客星入大兵起當門六箇

黑市樓明吉暗市不理門左兩星是車肆兩箇宗正四宗人

宗星一派亦依次帛度兩星屠肆前侯星還在帝座

邊帝座一星常光明四黑微茫宦者星以次兩星名

列肆斗斛帝前依其次斗是五星斛是四垣北九是

貫索星向七公為門欲其開索口橫者七公成天紀却似七公

形數着分明多兩星紀北三星名女床此坐還依織

女旁三元之象無相侵二十八宿隨其陰水火木土

并與金以次別有五行吟

角 主布威信黃道經其中左角近天田主刑其南為太陽道五星犯之主旱右角為將主兵北為太陰

道五星 犯主水 兩星南北正直着中有平道上天田平道

法駕有虞天田 總是黑星兩相連別有一鳥名進賢主畿內封疆

平道右畔獨淵然最上三星周鼎形角下天門左平

星雙雙橫于庫樓上庫樓十里屈曲明兵車樓中柱

有十五星三三相聚如鼎形其中四星列名衡主陳

中星昏兵合無星下謀上明南門樓外兩星橫明則

動兵出四方盡不見國無君南門樓外兩星橫夷貞

暗則 虎禮法又主疾疫明大 四星恰似彎弓狀大角

一星直上明折威七子亢下橫主斬殺金火守之則

大角左右攝提星三三相聚如鼎形主九卿折威下

左頓頑星主營囚兩箇斜安黃色精頑西二星號陽

門色若頓頑直下存在庫樓東北主邊塞險阻之

氏 為路寢休解之房也前二星后妃後二星妾媵星

明大則臣奉法暗小則臣失勢星動臣亂日月蝕

氏中后妃怨木守君后喜逆行臣為賊久守諸侯並

主火守大臣相諧逆行大臣亡金守兵起水守大水

士守有兵客守布帛貴彗孛入氏宮中有暴兵月

暈圍氏大將有殃人病多死將有徭役氏先動

四星似斗側量米天乳氏上黑一星世人不知稱無

名一箇招搖梗河上一曰矛楯主胡兵與梗河北斗

正不受命芒角動梗河橫列三星狀兵及喪亡與戈

胡兵起客守胡敗相向兵起帝席三黑河之西亢池六星近攝提氏下

衆星騎官出騎官之衆二十七三三相聚十欠一天主

子虎賁衆則安少則危五星守兵動陣車氏下騎官次主革車火守兵起騎官

下三車騎位出動則兵天輻兩星立陣旁主鸞輿客守有變將軍

陣裏嚴威霜軍主行

房將次相上相又為天子布政之宮亦曰四輔上將次

駟主車駕亦曰天廡明則吉大則起兵離則民流南

二星為左驂左服亡則東南方不可用兵北二星為

右服右驂亡則西北不可用兵火守兵起守二十日

臣叛金守陪臣脅君為亂水守姦臣害主七曜犯之

白色大兵火入房為柱四星直下主明堂鍵閉一

黃斜向上鈎鈐兩箇近其旁房之鈐鍵天之管籥鍵

房則天下同心遠則罰有三星直建上主受金贖罪兩咸

夾罰似房狀房下一星號為日從官兩箇日下出

心一曰大火中星曰明堂天子正位前星為太子後

為庶子以明暗各占吉凶變黑則憂直則失勢動

則國有急角搖有兵離則人流火守地動守二十下

臣謀主木守天下安犯則下謀上土守聖帝出天下

平金守山崩大兵水三星中央色最深下有積卒

共十二三三相聚心下是五營軍士也微小吉明大

臣誅又曰一星亡兵起二星

亡兵半起三星亡兵盡起

尾亦為九子星後宮之地后妃之府一后次夫人次

子孫星微暗后有憂疎遠后失勢動則君臣不和天

下亂聚則大木木守一月后族逆兵起妾賣權火入

天子兵起水木合守大亂土九星如鈎蒼龍尾下

守兵起金守失政水守大水

頭五黑號龜星尾上天江四橫是江星不具關河不

通火守兵至客入

河尾東一箇名傳說后宮巫祝亡則天子無嗣傳說東畔一魚子

動搖暴水龜西一星是神宮所以列在后妃中

箕一曰天雞主八風主口舌主蠻夷胡客夷狄歸先表箕又為世婦御女之別宮一曰天中天子冠服

前二星為舌動則大風明直則熟差聚細微天下憂動則夷使來離則人流入河人相食木守宮中口舌

火入饑亂全入守兵起日月土入守天下有兵四星形狀如簸箕箕下三

星名木杵縱豐橫饑不見人相箕前一黑是糠粃明豐

暗饑無則天下米盡

斗天廟也宰相之位主褒賢命爵又主兵一曰天機南二星魁天梁也中二星天相也北杓天府庭也

亦為天子受命之期將有天子之事占于斗明盛王道和平暗大臣失位芒角動搖若憂兵起移則臣逐

木守二月增爵祿逆入魁大臣為逆久守有兵土入守土者不用兵而受命金守臣逆金火俱入曰爍臣

斗逆客守有兵截道弒逆久守國絕嗣日月入斗七臣失位或被戮若日月蝕于斗日帝月后凶月暈圍

斗人離亡六星其狀似北斗魁上建星六相對天旗也天之都

關動則天弁建上三三九市官之長也彗斗下圓安

十四星雖然名驚貫索形天雞建背雙黑星天籥柄

內八黃精狗國四方雞下生主鮮卑烏桓明兵入犯金火守外夷有變天

淵十星驚東邊火守大旱水守大水更有兩狗斗魁前主防奸不居常

災亂處為農丈人存斗下眠天淵十黃狗色玄

牛主犧牲天之關梁北二星一曰積露二曰積火上

星主牛動變則占明大順次王道昌入漢中牛多死

火守老臣反逆士守下謀上金守兵起辰星常以冬

朝牽牛否則來年荒客守二十日兵起彗字歷六

牛中吳越有自王者彗出七十日有改更之象

星近在河岸頭頭上雖然有兩角腹下從來欠一脚

牛下九黑是天田天子畿田下三三九坎連溝渠也

皇守主 牛上直建三河鼓主軍鼓鉄鉞一曰三武主

大水 左將右角右將鼓欲正直而明色黃光潤將吉不正兵憂星怒馬貴動兵起曲將失鼓上三星

號織女火守之帛左旂右旂各九星戾亂相陵及五

河鼓西岸左邊明更有四黃名天桴動搖河鼓直下

如連珠羅堰三烏牛東居堤塘漸臺四星如口形屬

女東足不向則乖輦道東足連五丁金火守之輦道

漸臺在河許欲得見時近織女

女須女賤妾也天之少府又曰婺女婦職之卑主左

帛嫁娶星明天下豐女功昌暗則國藏虛移則女

多死 四星如箕主嫁娶十二國位在下陳先從越國

向西論東越西周次二秦雍州南下雙雁門代國向

西一晉伸韓魏各一皆北輪楚之一國魏西屯楚城

南畔獨燕軍燕西一軍是齊隣齊北二邑平原君欲

知鄭在越下存十六黃星細區分其星有變五箇離

珠女上星敗瓜珠上瓠瓜生兩箇各五瓠瓜明主陰

菓 天津九箇彈弓形兩星入河牛中橫在虛北河中

食 津梁以渡神一星不具則關河阻明動則兵起星如

流沙死人如亂麻微而參差則馬貴星亡若徙河水

為害水賊稱王赤氣入之大旱黃白无入之天子

有德金火守之天下大亂若三星不備則覆天下

四 箇奚仲天津上七箇仲側扶筐星金火守奚兵起

虛

冢宰之官主廟堂祭禱風雲死喪哭泣一名玄楊一名北陸星欹斜則祭祀失禮搖動則有喪金守臣謀君水守萬物上下各一如連珠命祿危非虛不成客守國亂

上呈虛危之下哭泣星

明則凶

哭泣雙下天壘城

主北夷金

火守

天壘團圓十三星敗曰四星城下橫

主知凶災他星守之

兵荒星亡人賣釜去鄉土

曰西三箇琉璃瑜明

主衣服首飾明則後宮奢微則儉

危

主天府天市又主風雨墳墓宗祀為天子土功動則興役金守兵荒火守天子兵起

三星

不直曰先知危上五黑號人星

主靜眾庶防淫佚星亡有詐作詔刺之人

為婦人作亂

人旁三四杵曰形

主春軍糧杵直下曰吉曲而不中民饑曰仰熟覆饑

不相當軍餒

人上七鳥號車府

主官庫火金

府上天

鈎九黃晶

主乘輿服飾

鈎上五鴉子造父

在傳舍南主御官一

名伯樂星亡則馬賤

危下四星號墳墓

星暗小山陵毀日月蝕其中宮殿陷

六臣逆天下改木守不敬火守凶荒

墓下四星斜虛

梁主園陵寢廟金

十箇天錢梁下橫

天下財貨之司明盈暗歉金火

守犯兵火盜賊

墓旁兩星能蓋屋身着黑衣危下宿

金火守犯兵起

室

營室一曰清廟又為軍糧之府主軍糧十功事動則造宮室微則鬼神不享搖則起兵日蝕于中王者自將

兵出

兩星上有離宮出

天子別宮

遶室三雙有六星

下頭六箇雷電形壘壁陣次十二星

羽林垣也衆明則天下安

二兩頭大似井陣下分布羽林軍四十五卒三為犖

一曰天軍盛明則安移搖兵起星犯兵起亡則兵亂將死

軍西二黃名鈇鉞

主誅戮暗

吉移則兵動明則刑有星入大臣誅

一珠名北落師門

主非常以候兵星守虜入

兵起星小暗天下有兵明大有角門東八魁九箇子

軍安金守大水木守吉火守兵弱門東八魁九箇子

張禽之官主捕禽獸西門一宿天綱是主武帳天子

客入多賊金守兵起遊獵所金火

詩之雷旁兩黑土工吏主修騰蛇室上二十二天蚌

明亂移南向大築

壁文章圖書之秘府主土功星明王者興道術行君

守豐火雷兵起百姓自王金守急刑有兵大臣憂水守水災兩星下頭是霹靂

霹靂五星橫着行上天威奮擊雲雨次之口四方明

足水守多壁上天廐十圓黃傳令鐵鎖五星羽林旁

水火守旱則牛馬肥土公兩黑壁下藏

奎天之大武庫曰天豕曰封豕主以兵禁暴又主溝瀆

則有角動則有兵中星明水大出一名降婁木守王

道興入之有匿謀火守國人相譖雷則謀反上守豈

女執政全水守水災腰細頭尖似破鞋一十六星

客星赤色守之兵起

遠鞋生外屏七烏奎下橫蔽溷主屏下七星天潤明

天豕豢養所司空左畔土之精客入多土工天下奎

上一星軍南門軍出入河中六箇閣道形從紫微宮

乘也一曰王良旗一曰紫宮旗為旌表宜附路一星

靜一星不具輦道不通動搖則兵起宮掖

道旁明太僕備閣道之敗五箇吐花王良星四星曰

王良其星動為策馬則車騎滿野又為天橋不王良

具則津梁阻移向四方隨方兵起明則馬賤

近上一策名天子僕移在

婁為天獄主苑牧犧牲亦為興兵聚眾星明天下和

平天子仁孝多子孫動則有聚眾直則有執主命

者火守人多病死火入天下兵起
三星不均近一

土守穀傷臣反金守白衣人起兵
左山虞右牧師金
天倉六箇婁

頭左更右更烏夾樓
火守山澤有兵
下頭黃歲天庾三星天倉脚婁上十一將軍侯
兵主武

央一大星名天大將軍左右十星為吏卒大將星搖
兵起小星不具兵廢後暗將弱左右旗直指者隨所

向擊之勝
逆之則負
胃天之廚藏明則倉廩實天下太平動則有輸運星
暗失位則倉廩虛木守人多病死火守米貴環遶

經百日天
三星鼎足河之次天廩胃下斜四星
廩御

明豐天困十三如乙形
金火入
河中八星名大陵
暗儉

積京七曜入
陵北九箇天船名
明則船賤暗貴
陵中

之皆水旱
積屍一箇星
明則人積水船中一黑精
火守兵起
水守漲

鼎牢獄事天子耳目又為旄頭胡星又主口舌矣對
明則獄平明大無佞臣明與大星等大水七星皆

黃兵大起一星亡為兵喪搖動有大臣下獄盡動踴
躍胡兵大舉一日天路七曜所由日蝕兵起其地有

殃月入其中大臣家破木守人饑火土守后失勢雷
一月西北血流金守胡兵大動水守執法之官受誅

火守兵起客守臣稱王命金入大
將軍死月暈大饑彗犯臣亂伏誅
七星一聚實不

少阿西月東各一星
阿主望祭山林又主女人災福
月主女大臣明大則女主大臣

專政阿下五黃天陰名
主七獵陰謀
陰下六星芻藁營

營中十六天苑形
牧養之地
河裏六星名卷舌
直

讒
舌中黑點天讒星
出卷
礪石舌旁斜四丁
明則兵
起金客

守大
兵動

畢天子雨師主邊兵弋獵其大星曰邊將主四夷之
尉星明大則遠夷來貢天下安失色則邊亂一星

秘書兵衡卷之七
十七

亡兵喪動搖邊兵起就聚法令酷又曰置車曰天虎
曰清池官曰畢服日入畢多兩日蝕畢中邊臣死軍
沒月入大風月蝕將相死木守大赦賞入畢門久兵
起人流星火守久貴人誅入其中人饑國亡土守王侯
廢守其口天下兵起金守大臣出使守口亂臣易政
犯右大星大將軍戰水守水災五星及客犯之外臣
謀反近臣為姦客守兵
反彗孛犯北胡為寇 恰似瓜仁八星出附耳畢

股一星光 盛則華安微則邊叛 天街兩星畢背旁 明
移則大兵起讒佞行

平金守兵塞道街南 天節畢下八烏幢 出使布令全
陽主華北陰主夷

畢上橫列六諸王 明則下輔上暗則下 王下四皂天
叛上不見而宗室傾

高星 不見則官失 節下團圓九州城 九州殊口曉方
守陰陽不和

者也常以十一月候之一星亡一國 畢口斜對五車
凶三星亡天下失大明或不見俱亂

口 天子五兵之車舍也從西北止西南為金木木十
火主秦燕齊楚魏五星有變各以所主占之木人

人饑兵起水入水災火入大旱兵起金
入兵起客入人勞近金車動兵餘倣此 車有三柱任

縱橫 曰天泉二曰天休三曰天旗天子得雲臺之
禮則五車明三柱具倉廩實不具絕食起兵柱

出兵出柱入兵入出一月米貴三倍饑一年出二月
貴六倍饑二年三月十倍饑三年出與天倉相近轉

運千里倒 車口五箇天潢精 五星入潢 潢畔咸池三
立尤甚 兵亂道梗

黑精 魚圉也明則兵 天關一星車脚前 亦曰天門芒
起金火犯火災

車合大將出 參旂九箇參車間 一曰天旗一曰天弓
征火守兵起

明則白衣會起邊 旂下直建九游連 天子旗主邊兵
兵動人主缺暗吉

游下十三烏天園 曲而鈞 九游天園參旗邊
菜果熟

觜 主葆旅葆旅乃野生之胡食者為行軍藏府明則
軍儲盈將勢得動明則盜賊羣行葆旅起星移則

將逐一曰觜觶為寶貨一名白虎將一名天將鈇鉞
暗則不可出兵日蝕其中臣子被誅木守人饑火守

秘書兵衡卷之七 十八

亂金守兵起下叛客犯下謀上色黑

三星相近作

參彙背上坐旗直指天

主別君臣明

司怪四鳥并鉞

前

候變與天高同

參

一曰參伐一曰大臣一曰天市一曰鈇鉞主斬艾

城不欲其動中三星大將也肩足偏將也七將皆明

千伐星明與參等大臣起兵參失色軍敗芒角搖動

邊急移則客伐主左足入玉井中兵太起差戾則王

臣貳左右芒角張赤耀橫射則三軍動帝自披甲將

兵出火守五十日已上天下更改秦地大凶金守大

臣亂國改法入則天子失位水客守入皆兵飛星入

兵急來彗字犯國人叛一曰足在井中名為陷足虎

不得動天下無兵 總有七星背相侵兩肩雙足三

出則放逸而兵起 玉井四星右足陰

為心伐有三星足裏深 天尉主 玉井四星右足陰 象水

參左足入 屏星兩扇井南襟 主人安危客 軍井四

則兵起 屏上吟 行軍 左足下四天廁臨 主天下疫病色青人

客入米貴 廁下一物天屎沉 廁南常以秋分後見色

土守人饑 水旱星亡 天下亂

井 東井天之南門亭候主水衡法令所取平者也法

平則井星明而端日宿井有風雨不正則國亂日

蝕井中雍州旱人流千里月蝕大臣謀上木守七日

天下和平二十日以上天下更改鈞遶有赦火守饑

二十日上火災水入雷國大凶土守大旱土雷二十

日兵起不去天下無主水入其中有自王者不成金

守二十日天下易政客 八星橫列河中靜一星名

入守芒遶三軍大起 兩河各三南北正 天一曰

鉞井邊安 主斬淫奢明與井 兩河各三南北正 天高

之關門主天關梁南河曰南戌曰南宮曰陽門曰越

曰衡門主水兩河成間七曜之常道也河成搖動天

中國兵起月行比河北兵起水災行南河南大旱天

樽三星井上頭給酒食樽上橫列五諸侯主刺舉一帝德二帝

友三三公四博士五太史明潤侯上北河西接水酒

天下治星亡諸侯叛逆謀亂侯上北河西接水酒

食候欲見積薪東畔是明大帝加膳星微膳鉞下四

星名水府官水水位東邊四星序主水衡移則國為汙

川溢近河北有滔天之水四瀆橫列南河裏南河下頭是軍市軍

市團圓十三星市中星眾軍足星少中有一箇野雞

精主變怪動及孫子丈人市下列丈人主老臣若亡

而各立兩星從東說闕丘兩星南河東金火守之丘

下一狼光蓬茸為野將主盜賊左邊九箇弧矢弓主

盜賊動移不常多盜大弓張滿天下兵起一矢擬射頑狼胸有箇老人南

極中春秋出來壽無窮常以秋分之旦見丁丙春分

則兵凶荒亂天下安不見

鬼輿鬼天目也主察奸又曰天匱又曰金石府又曰

成不名人散動而尤賦重役多星徙人愁政急四星册方似木櫃中央白

者積屍氣主死喪祠祀一曰鈇鑕主誅斬欲其忽忽

鈞紀有大喪士入天尸后憂大臣叛被誅畱久大旱

疫人死棺貴金守將軍有憂水入守貴臣被誅客入

守人死多死鬼上四星是燿位主烽火警天狗七星鬼下是

主守賊移外厨六間柳星次天社六箇弧東倚共工

則兵起龍能平水土社東一星是天記金火守

其精為星禽獸死

柳主酒食調和明大則人安歲豐八星頭曲垂似柳近上三星號

為酒宴享大酺五星守酒旂主宴享五星守之天下大酺

星為賢士明大吉暗則國無賢七星如鈎柳下生星上十七軒

輓形如黃龍之體雷雨之神盛為雷激為電和為雨怒為風亂為霧疑為霜散為露變為雲鬱為虹

星分為抱珥軒輓東頭四內平官平罪平下三箇名天

相相下稷星橫五靈農政明豐隱則人相食

張明掌御史之位主珍寶衣服賞賚明則王者有禮法動則賞移則天下有逆人就聚則有兵兩翼外

張以匡帝宮日蝕其中王者失禮月蝕其中魚行人道木土合守政散人流金守亂臣起兵天下易政水

守大水兵起客六星似軫在星旁張下只是有天

廟天子祖廟客守有憂十四之星册四方長垣少微雖向上界

夷火守而胡入太白犯少微九卿反太尊一星直上黃與上元切近處也

翼主化道文籍為天之樂府主俳倡嬉樂又主夷狄遠賓星明大禮樂興四夷賓動則夷使來徙則天

子舉兵又為天娼名化宮名天除以和八音貴有序日蝕大臣見譖月蝕后寵衰木守文士用火守人饑

水守二十四星大難識上五下五橫着行中間六

箇恰似張更有六星在何處三三相連張畔附五箇

黑星翼下頭欲知名字是東歐蠻夷星也金守之其地有兵芒移內叛

軫軍輔主將軍車騎載任有軍出入皆占于軫明則車駕備動則車騎用徙則天子憂集則兵大起火

守兵行火入天下從軍逆入積尸四星如張翼相

如山月暈軫中三重戎狄滿野

近中央一箇長沙子主壽明則壽長子孫昌左轄右轄附兩星

左同姓右異姓明則兵大起遠軫軍門兩黃近翼是

主營候豹尾威旗非門西四箇土司空五星犯之門其故處則道路不通

東七黑青丘子主蠻夷國號青丘之下名器府器府之星

三十二樂府之器明吉亡凶已上便是太微宮黃道向上看取

是居中按舊本斷殘新書隱僻大都不全善諭子集諸書為句解超超子寶之凶手授中而成是篇

精義賦

蒼龍之角左刑右兵亢為朝廷疾病氏為宮室妃嬪房為布政之宮上下分將相之位心為天王之位前後別太庶之名尾主君臣亦為后宮之府箕為嬪御亦主口舌之風南斗為宰相而受爵祿牽牛主道路而作犧牲女作布帛之制虛為禱祀之稱危主宗廟

營室室為宮室土工壁為文章圖府奎主兵戈溝瀆婁為天獄苑牧胃為倉廩五穀昴主胡王又為喪獄畢弋獵而邊兵觜行軍之葆旅參掌殺伐井當水府鬼主祠祀死喪柳為庖厨祭具星為文繡之羽衣張作珍寶之衣物翼為娛樂以徘徊軫主車騎而風雨

論經星

池本理撰

二十八宿隨天而轉角至箕列于東方以形蒼龍以次舍房為大火之中井至軫列南方形朱雀星為鶉鳥之中奎至參列西昴為中星斗至壁列北虛為中星天傾西北極居天中二十八宿之星或隱或現各

有其時故仲春星火在東星鳥在南星昴在西星虛在北仲夏則鳥西火南虛東昴北矣仲秋火西虛南鳥北而昴東仲冬則虛西鳥東火北而昴南矣往來無息四方無定期但以四時初昏于南眎之耳

論緯星

蕭月江述

歲木性柔直十二歲一週天主司人君之過主五穀熒惑火性急烈二十一歲一週天犯天田則旱鎮星土性重厚二十八歲一週天主女象又名天子之星天子失位大動太白金性堅剛一歲一週天主司兵辰水性平淡司水一時不出一時不和四時不出天

下大饑○居中補金星出早爲日令出晚爲天如超舍爲羸退舍爲縮出入不當其次必有天殃水出早爲日食出晚爲彗四時不出大饑出房間主地動也火行一舍爲不祥東行疾兵聚于東方西行疾兵聚于西方鎮失次而上一舍三舍爲大水失下二舍有帝戚之變

七政說

喻祖法述

日一日纏一度一月行一宮每年子上起正月逆行十二宮○春紅潤夏炎熾秋

融平冬溫和吉○鳥鳥羣鳴日之變也國將衰○日積天之至陽而生明陽不足則見黑黑點黑子如卯

如王字如鳥如人皆君不明致之不戒主近臣爲禍
四月有此主有奪柄之臣十月稍輕○日赤無光國
亂君疾赤如血旱○日本紅風煙昏籠成赤主兩月
亦然○虹貫主兵○白虹弑殺黑虹分日而土地以
其形分○日暈者軍營之象○暈赤君疾歲旱口舌
亂政白大主兵喪黑大爲胡兵敗青饑疫黃勝捷五
色大吉

月一箇月一周天二日半行一宮正月
起危度每日行十三度五日行兩宮○十月八月

陰極當至明以象陰德之昌或失色或蝕陰德大虧
之象○月望日之至陽而成照○昏不當者將相無

能刑寃法曲○月暈亦象軍營白主戰先破之方

負久則不解無敵則有謀叛者○五色暈得賢臣生

太子赤白之暈將相離心○白虹等貫月后臣災

金一年一週天附于太陽陽年在太
陽前三宿陰年在太陽後三宿○太白之行常

先日而出後日而入若失行于日之西方則夕見于

太陽之前失行于日之東方則晨見于太陽之後謂

之經天夕經主夷狄客兵之敗晨經主中國之兵敗

若並太陽于正南而光明不息主強國弱弱國強天

下更女主起○太白司兵將象之以行光芒奮張兵

怒也搖動跳擲兵舉也有風不在占內實外虛藏謀而示

弱也內空外實張勢而中歎也行緩兵遲行速兵疾也始大後小兵弱始小後大兵強也日北金南曰羸侯王不寧兵進則吉日南金北曰縮侯王有慶兵退則吉○太白廟于疏亢絕于箕尾之分故十月多伏于日下○辰星不出則太白爲客辰星出則太白爲主辰白各出一方有兵不戰出三日而後漸入入三日而後盛出其下軍敗將背入三日而後微出出三日而後盛入其下國廢將虜

火

兩年一周天兩日行一度兩月行一宮兩年行遍十二宮

○光明正大曰喜縮

小不明曰罰罰見主所臨之分野兵寇自亂春夏大

明秋冬色昏常軌也至心宿大光爲廟光明紅潤生天下更禮肅法春夏小而失色主大水所分野兵不時出則兵興不時入則兵敗軍營分野之上光盛大則天助其威以成功縮小反是中空無謀芒角心躁待其銳息而破之逆行鈞紀戰必有圖芒彗所指其方必破芒角如鋒有伏兵害人主人主毋出光靜主大軍不戰將軍有誅者○火罰星也司羣臣之過無兵有變大臣有災居久不出殃及其國失行速則兵聚其下順之戰者大勝主于司空土工太急赤色爲旱主于鴻臚道術興色昏爲妖亂○火屬心爲

聲犯畢昴亦主口舌十月主行天罰以所犯分野論
休咎惟犯太微軒轅房心南斗主命惡之災尤甚也
○與太白合為兵火大喪不可用事舉兵共至南斗
太微無凌犯觸角者主天子與將相同謀軍事如相
凌犯兵喪凶○與鎮合火心土思謀也災也土色光
于熒者為謀火勝土者為災○火鈞紀失出為出星
所凌者卿之災○與水合不可用兵舉事曰淬火兵
滅與木合為焚軍興旱饑大臣災緩則不出急則不
入○廟于明堂絕于室壁○芒角怒張火焚宮殿
(土) 一十八年一週天 一十八日行一度 ○所居之方久而不去其色

潤戰則得地田則豐收國享厚福女子有慶王者
嗣國不可伐○當守而去逆行不來其國淫奢失地
無歲○變異而他行城國遷徙○司女主之過后勢
廢土多變○廟于南斗絕于軫角之方守犯太微有
革政者○失色縮小有密謀之變

木 一十八年一週天 十二日行一度 一十八年一週天 十二日行一度
○國有厚德則居久而不去若光明芒角其國大昌不可伐穀豐人安縮
小失色芒角四張災及王者入端門有犯主有大臣
革命入而遂出其革不長不出則久○木色變白反
乎秋也木絕之咎○安靜中度所臨皆吉變色亂行

奸邪為殃○木色赤黃其分大穰○廟于營室絕于

參紫

水一年一週天附太陽陽年在太陽前二宿陰年在太陽後三宿○五緯之先其體

合散無方無定如龍之變故曰辰星○長隨日之前

後起伏有時不可妄見見則狄兵入寇兵起廷尉宰

相之災常以春分見于奎婁秋分見于角亢夏至見

于東井冬至見于牽牛餘時常伏日下一時不出其

時不和四時不出天下大饑○出入躁疾蠻夷兵動

○有軍在野為偏將軍當出不出是為擊卒主兵火

起當入不入是為漏明亦主兵異○變于房小而色

黃必地震○色與月齊其國大水○與太白出東

皆赤而角外國敗出西方皆赤而圓中國敗○變

失行白旱赤兵黑水○入太白中而上出客大破于

入太白中而下出客亡其地○廟于危室絕于翼軫

○非時出而光明天子以麗人為咎

五行吟

歲星 東方歲星實曰木精蒼帝之子大而光明所

至分野莫之與爭人君敬慎斯星順行若乃誣瀆則

行逆焉故角而怒宇宙交爭赤黃今有風有旱黑白

今為水為兵與金合今大將之所殞被月掩今后妃

之將傾入太微而君憂有赦在東井而秦地安寧守
角地而賢人進用犯亢兮而豐稔和平歷氏兮富庶
大有凌房兮將相憂懲畱心兮天下安樂居尾兮妃
后歡榮經箕兮而鬪爭口舌入斗兮而爵祿豐盈環
牛兮饑凍迭害犯女兮宮院傾行遶虛兮齊地災至
犯危兮祭祀不清在室兮宮壺安泰犯璧兮賢女乘
情入奎兮有道者進經婁兮教令者興守胃兮人殍
在昴兮嚴刑犯畢兮人物喪守觜兮邦不寧居參兮
君臣悅化井兮訟獄興守鬼柳而國用斧鉞遶星兮
而萬姓康平畱張兮上下心契入翼軫兮災喪迭生
逯行則爲賊爲鬼晝見則弱主強臣

熒惑

南方火精一曰罰星赤帝之子主察視明入
太微而受制遇有道之不停若無道之國出入何嘗
鈎紀爲禍環遶爲殃出則兵動入則兵藏周旋止息
爲病爲喪由人君之政慢俾臣下之災傷或進或退
小大不常君德未虧其色赤黃曰怒曰變乃角乃芒
入太微兮魏地殂落犯紫微兮朝野同殃守天江而
江河泛濫遶羽林而兵禁威揚守少微而處士被厄
遶天囷而萬姓饑荒凌軒轅兮后妃憂懼經天船兮
湖海波揚入角兮賢將被戮鈎亢兮瘟疫人亡逆氏

今股肱奔走遶房兮父子分張居心兮王者大惡在
尾兮大臣強梁畱箕兮人食草木入斗兮君輔咸殃
守牛兮六畜多死抵女兮人乏衣裳乘虛危南國兵
動犯室璧米儉衛邦畱奎兮父不親子犯婁兮君臣
出疆在胃兮天下空廩入昴兮胡虜潛藏守畢兮邊
兵大起入觜兮禍起蕭牆畱參兮兵戈四動犯井兮
水火之祥環于鬼兵喪大發鈞柳宿王命臣防守星
今國中兵擾畱張宿歲美人康犯翼兮人死相望入
軫兮淫佚人亡

鎮星

爰有鎮星中央土精黃帝之子厚德列名所

在邦國不可加兵其分無災五穀告成君若內虧
孽爲凶犯木兮后妃殂落合水兮兵敗連營抵角
後宮之喜入亢兮萬物無成歷氏兮儲副歡美犯房
兮地動兵興守火兮聖主將出在尾兮賊盜公行遶
箕兮兵災人散入斗兮禾稼豐登環牛兮賊臣謀主
犯女兮貴戚縱橫乘虛兮赤地千里入危兮宮掖災
萌紀室兮營修殿閣遶璧兮道術彰明乘奎兮穀貴
水滂守婁兮奸邪臣生鈞胃兮人饑兵亂紀昴兮將
出西征犯畢兮王侯被戮乘觜兮國破人驚環參兮
人臣出使入井兮水滂迭生在鬼兮大臣謀叛犯柳

今天下和平留星兮萬方皆治居張兮五穀不登守
翼兮寰宇清肅入軫兮米儉兵興抵建兮人君下殿
掩鉞兮大臣不寧犯執法將相誅戮環鬼井宗廟改
更

太白 西方金星少陰之精白帝之子亦曰長庚所
主孝義甚大而明將軍之象誅戮爲名怒則光孛叱
叱喜則斂角潛形遇火兮凶喪相次合木兮遠近加
兵犯角兮天下大戰入亢兮水旱並生守氏兮將軍
受制入房兮國土工興居心兮蟲狼交走犯尾兮上
下相爭守箕兮風旱有茲遠斗兮臣執權衡環牛兮
分地發福過女兮府庫皆傾乘虛兮將軍罷戰環
今齊地災生犯室兮解甲守壁兮酷刑入奎兮汜澤
在婁兮戰兵入胃兮年程饑饉犯昴兮胡馬奔騰守
畢兮軍行赦出乘觜兮政易憂生守闕丘兵戰闕下
歷井鬼神受馨亨入柳兮元戎封邑留星兮軍敗連
營翼軫鈎而侯張隊旅軒轅入而主設旗旌守天田
人受爵祿當牛度戎虜崢嶸晝見則陣破軍敗不見
則殺將屠城或山崩地陷賊將上殿手執台衡
辰星 北方辰星爲水之精黑帝之子偏將之形所
主者靜君臣之情所在分野憂而不寧與木合兮干

戈動被土犯兮戎虜興觀其芒角兮知大小之災祥
察其伏見兮辨君臣之譴謫暴水漲兮青色大喪至
而蒼白出四仲而歲華豐稔見孟季而更化政明近
太陽而日掩映接太陰而月得明犯角兮水旱並作
留亢兮米穀價增犯氏兮訟獄隱滯守房兮奸詐臣
生在心兮天下安泰犯尾兮江海流橫入箕兮大臣
多怨守斗兮奸謀已萌乘牛而川澤壅決凌女而布
價倍增犯虛而丁壯盡役守危而亂賊橫行犯室兮
后黨憂疾入璧兮朝野威聲入奎兮臣下被獄守婁
兮水滂不登守胃而兵興人患在昴而執政遭刑
畢而邊城警急鈎觜而兵喪相承乘參兮水旱軍
入井兮泛溢河津遶鬼兮疾病多害入柳兮水洩
日
咩雷星兮貴臣得罪在張兮輔國臣生守翼兮人饑
國喪在軫而宗廟修增逼太微而羣臣相殺犯執法
而兵火之凶守軒轅而君臣多難近權衡而亂賊交
爭

天占

玉曆繁浩不勝引引其專論楊庭松
兵而最切者附之以下倣此

烟埃蔽天而雨土霧曰風霾主上下乖離以致兵革
○天雨赤水世平主寇屠世亂則有德者出乎亂○
白氣如虹兵火起于所發之方○暴寒國有陰謀野

有賊變○天色慘白風音悽切主火主兵○赤氣黃虹貫入北斗或繞樞星主天子生聖賢之嗣或當世變主大聖人將出生于是時○黑氣白虹貫入北斗或繞樞星主天子生亡國之嗣或暴人為主○赤氣貫南北斗皆主兵喪

日占

楊善

日上生芒如爛絮枯木黑色主雨紅色火災白色兵紫色疾疫青黃如錦繡及長虹貫日主忠臣孝子位赤色如火焰燒天主兵火相加若有雲氣如刀主干戈如鳳麟天下昌國家盛大臣賢良

政經


日出東方二竿停停無光日日病入西方二竿停停無光日日死王侯災○晝昏至暮有大水○赤如頰大將野戰○如火炭兵急○有赤足國謀叛○赤如血災賊起○日生牙下有賊臣○日蝕而從中者內有伏謀色青而謀者止色赤則其事成色黃則謀者誅色白則其事覺色黑則逆謀就

兵鏡

太陽有犯之圖



黑光
相盪
外國
來犯




旗劍
刀鎗
兵亂
連年

行軍占圖



此像輪軍急宜迴避




此像有信




此像不可行軍立營防賊打



此像急拔營



此像有人伏路撲將來




此日主人伏路軍將損赤黑雲散乃無事




連綿天兵火

者主朝中出良相如虎獅者出名將



人頭紛紛軍兵
失利若在營頂
急宜遷移



單鎗貫日弑君兵亂

日色秘訣

四言歌

日色帶暗不用離場雖然要戰真

馬來傷○日色濛濛先輸後贏三軍安固慎守軍營

○日色皎皎帶青帶黃賊兵潛至急取嚴防○日色

帶黃不久下雨我軍大張乘時攻取○日色昏昏四

畔惶惶三軍捷勝速戰無妨○日色帶青霧氣瀼瀼

血光千里拋盡旂鎗

月占

楊宏中

月生芒如火光主旱及大將受災賊兵勢盛火燒宮









室紫色人民瘟疫白色如棉層鱗主大風有賊至黑

色如猪鴉之狀主雷雨大爭戰月伴有星正大不動











賢相在位昏暗閃爍姦邪欺罔虎狗人頭死尸在伴
大不祥 政經

月大而無光其城不降小而無光城降○有白珥城
降○暈再重大風四○亡國五重貴女憂○暈有蜺
雲垂之從蜺所擊勝○暈連環白虹在外女人陰謀

○三重而赤雲貫之國亡白氣從外入之城拔

 <p>金星犯 兵卒 多災</p>	 <p>太陰 被魔</p>	 <p>金星犯 太陰 相侵</p>	 <p>太陰 外國來</p>	 <p>彗星夾 天下不 休兵</p>	 <p>太陰 四星有</p>	 <p>彗星負 大陰 干戈日 不停</p>	 <p>金星犯 兵卒 多災</p>
兵興在 南岳		兩耳 朝廷有 大喜		朝廷 大賞出		將軍 血光 亡	

此雲 此雲 此雲 此雲 此雲 此雲 此雲 此雲
此雲 此雲 此雲 此雲 此雲 此雲 此雲 此雲
此雲 此雲 此雲 此雲 此雲 此雲 此雲 此雲

 <p>月內 有星 引賊 入營</p>	 <p>明勝 暗凶</p>	 <p>月上 三星 軍輸 賊贏</p>	 <p>月上 有雲 黑凶 白勝</p>	 <p>月上 入南 主江 冠生 發人 民不安 凶</p>	 <p>此雲 大雲 勝星</p>	 <p>月下 七星 賊敗 無</p>	 <p>此雲 大雲 勝星</p>	 <p>右 大星 勝</p>	 <p>此雲 大雲 勝星</p>
此雲 明勝 暗凶	此雲 明勝 暗凶	此雲 明勝 暗凶	此雲 明勝 暗凶	此雲 明勝 暗凶	此雲 明勝 暗凶	此雲 明勝 暗凶	此雲 明勝 暗凶	此雲 明勝 暗凶	此雲 明勝 暗凶

月色秘訣 四言歌 月色青黃賊來相傷急排兵馬三

軍且防○月光白氣兵主有喜若乃煌煌賊來侵已

秘書兵衡卷之七 三十四

而擊者勝行者事小止者事大以分野占之長者應
遲久者災深 (變星)五星之變不一太白見午上爲
經天與日爭明爲亂紀蓋太白專主兵一出兵賊不
已熒惑主內亂其變有三一曰柱史二曰聚崇三曰
流星皆主不祥曰附耳曰天讒曰梟慧狼角貫索歸
邪其變又多惟赦星則長三丈餘出北斗之魁南抵
軒轅而滅 (梟慧)發于陰雲如炎火或黃白起地下
大上銳不有土工必有大害一云天梟星又名覺星
本慧而銳長四丈出東北方主奮爭國凶 (蚩尤旗)
類慧而不曲似旗出有大兵 (天狗星)墜地狀如火

聲如雷主火災亦主討賊破軍

(國皇星)大而赤

老人去地三丈如炬火主內寇東南兵起

(照明星)

大如太白有毛角出西方之野去地可六七丈其下

有兵不利

(天讒)慧出西北如劍或如鈞長四五丈

出則國亂

(歸邪)色如赭火見于陰雲中或色黑如

星非星如雲非雲主有歸國之兆

(妖星)甲寅日見

者歲星之精丙寅日見者熒之妖戊寅日鎮之妖庚

寅白妖壬寅辰妖

(三合)三星合咎在王依度相連

不主休咎

(五殘)出東方如辰星去地六七丈大而

赤主毀敗

(六賊)出正南去地六丈大而赤動而有

光其下兵不利

(天鋒)如矛鋒天下兵起

(長庚)如

一疋布主兵起

(柱史)蒼黑蛇行如有毛角長數丈

見則謀反之兵合射其所誅亦以亂伐亂

(營頭)星

如壞山墮下覆大軍

(客星)偶見無常帝命以告休

咎也見日久者事大禍深變色蒼芒有謀殺之兆微

小乃陰謀之事

(流星)天之使也降曰流升曰飛大

者曰奔聲隆隆者怒象也行疾者期速遲者期緩大

而無光者衆人之事小而有光貴人之事大而有光

貴且衆也乍明乍滅便詐也兩明兩滅成敗也三往

三返將死營破也色赤無光病使至也自南墜北陰

詐婦人之事自北墜南陽詐男子之事北爲私謀

爲公謀前大後小憂恐也前小後大喜事也蛇行

姦也往疾者不返也長者事久也短者疾也所墜有

兵天淨見久爲大風小數百四面行者衆庶流移也

如甕大者發謀起事也從彼出而來止必有間謀來

說吾士卒流不止者動衆離散墜于吾軍大凶速避

之流星有光青赤長二三丈名曰天雁軍從其所向

則吉犯歲其地辱主犯水鄰有謀犯火姦人入國犯

金有兵

風雨占

定天經風雨賦理精詞博喻子別有集註茲不盡載

戴

清

日暈雨月暈風有闕之方爲風雨○日沒胭脂紅無
雨也有風○星光閃有風○風早起晚和明日防大
風○春風易報一日南風必還一日北風雖有早風
向晚必靜○防南風尾北風頭南風漸吹漸急北風
吹起便大○雲若砲車形起主大風○雲起下散四
野滿目如烟如霧名曰風花主風起○雲若魚鱗不
雨必風○水際生靛青主有風雨○秋天雲陰若無
風則無雨○海燕忽成羣而來主風雨烏肚雨
白肚風○海
猪亂起主大風○水蛇蟠在蘆青高處主水高若干
漲若干回首望下水卽至望上稍慢○月盡無雨則

來月初必有大風雨

武備志

月在箕壁翼軫此四宿者乃風起之日也月每一日
一夜行十三度有令二十八日一周天晦朔二日不
見其行度但查中氣日月合宿爲首推之亦不必拘
四七正度但依李筌大約度數此喻于舊
本自註○日月合
宿者雨水在室八度春分奎十四度穀雨昴二度小
滿參四度夏至井二十五度大暑星四度處暑翌九
度秋分角四度霜降氏十四度小雪箕二度冬至斗
廿一度大寒虛五度○大約度數者東七宿七十五
度角十二亢九氏十五房五心五尾十八箕十一北

七宿九十八度斗廿六牛八女十二虛十危十七室
十六璧九西七宿八十度奎十六婁十二胃十四昴
十一畢十六觜二參九南七宿百十二度井三十三
鬼四柳十五星七張十八翌十八軫十七○假如正
月雨水第一日夜半在室八度至第二日夜半行一
十三度少強卽至璧五度第三夜半至奎九矣秘訣
天氣常風不用賢能大亂將生○風熱生蟲食禾其
名曰亂必主大饑○春東夏南秋西東北四正風春
西夏北秋南冬東四賊風賊風不止人主小警大如
虎聲及灑沙石號咷聲大不祥慎毋出兵兵鏡

風久則旱雨久則澇○雨落卽止者旱也○雲烏朔
如衆猪渡河津之間三日內大雨○雲黑貫月冲
日暮雨盡蔽斗者當晚雨廉真暗大雨傾○四始之
日有黑氣太重者多雨○出兵見霏霏小雨名爲洗
尸水勿行遇逆風久雨勞倦其兵曰天困大凶羣玉
○雨石之地大戰伏尸○雨魚兵起○雨毛民勞殘
○雨骨兵役○雨金兵戰○雨灰亂○雨求兵○雨
荼饑荒○雨木冰兵○雨膏兵敗○雨墨陰謀○雨
人物大兵○雨穀民災○無雲而雨世災武編

雷占

喻祖宏

雷托雲以鳴君托臣以治無雲而雷君無托也不恤
下下將叛也○非時雷主兵災所發方兵所起所往
方兵所禍風順愈速○無雲而雷暴兵○非時而雷
賊臣起○當雷不雷君失威○師出遇雷導之天助
威也若兩名洗甲大勝玄經

雲氣占

徐惟惕

雲青潤繞日國有賢良文喜○黃潤繞日似龍似花
國大慶○日出沒時雲氣如戟橫截之白喪烏憂○
如龍虎車蓋異狀下有天子○大黑片蓋處其軍必
敗○撒血片片主血光○赤氣如布席捲日大勝白

亦然○黑氣如龍吻日如人臥背日者下有叛臣○
青蛇貫日疫白者兵赤者叛臣黑雨○有氣如人居
日暈中三日內寇入城○聚雲于暈外者圍城也暈
重不破氣入而下虹入亦然○如龍虎如山林如黑
旂弓弩倉困見日益明或上黑下赤或廣銃皆猛將
氣也勿攻○軍上氣黃白而潤者將有盛謀也青白
而高者勇也○戰氣前白後青將弱士勇前大後小
將士怯也青散亦然○氣如雲變作山形大勝○如
蛟在營以向人者不可當○赤氣上連于天名將也
○兵氣連天或如火光或如旂無風而颺或重壘或

刀斧等向或如堤或上炎下大或圓潤或虎踞或如
前後高如飛鳥徘徊如馬尾高或赤前而中有
人物狀皆勝氣也如杵者堅也如雲而常不變者不
可攻也○戰氣青白而當者勇戰如死狀者敗赤氣
如狗蛇覆船其下流血○出軍天昏雲沉必戰○赤
白虹見大戰○白氣如車入斗大將死○赤雲盤屈
下流血○白氣羣行徘徊結陣來者敵人來窺不備
視其所往可擊之○陰沉不雨三日以上陰謀也五
口而擁蔽十日而亂起○晝明夜霽上謀下夜陰
此○黑氣如幃而下黃敵來相詐○守城看白氣

斗出主勝○黑雲如星曰軍精突出勝○白氣如旌
者勝赤更銳○青氣迴旋或如牛頭觸人皆不可攻
○圍城過旬不雷不雨中有賢輔疾去勿攻○城上
氣如兩篲如雙蛇難攻○前高後卑者可拔後高者
不可拔○赤如杵曰向外主勝○氣不見于外者至
堅也○攻城看城上赤黃氣繞之則降赤氣如飛鳥
則破無雲氣者士散也氣出復入者人欲逃也出而
高者日久也○氣赤黑如狸斑可破如死灰如樓有
氣向內皆可攻上赤者可屠○雨濛霧黑日無色者
主勝濛霧入兵亦入白氣繞城而入隨而急攻之○

白氣如蛇止敵城急攻之止我營慎自守也○暴兵
氣象白如瓜蔓連結相逐而至急防○如仙人衣相
逐罷而復出千里兵來○黑氣從敵來我軍上賊至
勿戰○黑氣上有赤雲敵至其下○氣如人赤白猝
至急防赤雲如火所向有兵○白雲氣如足帛巨天
天下兵起○伏兵之氣黑渾渾而赤在中其下有伏
白粉沸如樓閣亦然○雲氣紛紛相連如蓄草車騎
伏也如布蘆步兵伏也○如幢節或赤杵在黑雲中
或如黑人在赤雲中勿先動兩軍交而四下有赤氣
伏多○賊軍敗氣枯散敗也如粉如塵烟軍欲敗

上黃下白求和也上大下小士欲盡也乍見不見
聚不聚可攻也○十日無氣必敗白氣出而絕一絕
一敗○五色雜亂四方不定敗也羣猪在于氣中可
擊赤氣降下衆亡有氣蒼蒼須臾而散者亡蒼黑如
粉亂者卒饑如揚灰者欲去○氣散可擊如覆船車
蓋可破如羣羊驚鹿必走急擊之○如卷席足帛亂
壞者可擒○雲氣蓋道蔽濛晝冥急去○如雞兎臨
營或黑卑如倒樓或如人臥無手足如車不起皆敗
○黑氣臨營或聚或散如鳥將宿敵人畏我營定必
逃逼之大勝若在我軍須善撫士卒

集通典政經
羣玉兵鏡

凡行軍時揀高山或立望樓遠望尤喫緊在日出日
沒半夜時景凡雲氣實勝虛厚勝薄長勝短明勝暗
高勝下青爲憂氣黑爲死氣白爲軍氣赤爲殺氣黃
爲和氣自外而內者破自後而前者羸秘訣
喻子曰視雲氣非一端總之勝者堅而銳敗者散而
朽降者拱而伏安者順而和蔽之矣

雜占 附物占 日辰占


喻祖法

雨微日昏賊發兵興霧露不時及不開民疫不時飛
雪賊臣興大霧不舒邪臣謀上晝夜晦下謀上○木
非時枯落二年有暴兵來木作金聲地分裂軍中生

穀大吉○小兒以土壅車轍四夷侵城門自開三年
兵起門戶夜鳴有兵○鐘鼓自鳴有兵軍中金鼓鳴
將有功刀自鳴出血戰勝戈戟火光兵興○澤自竭
城邑虛井溢有聲主亡井氣直上兵動

凡日月五星廿八宿諸變以日辰占之各應其地甲
應齊乙東夷丙楚丁江淮南蠻戊宋衛己韓魏庚秦
辛西夷壬燕趙癸常山北子周丑翟遼寅趙楚卯鄭
辰晉巳衛午秦未中山梁宋申齊晉魏酉魯戌趙亥
燕代 居中按右分野中不盡合但其大意近理姑錄

之諸家多輯逐日論風如甲乙日東風損中軍丙



丁日東風敗云云以為妙談大可羞笑使當春而

我兵西向甲乙日東風安在有損耶又有圖各雲

象如綵結者不知雲氣變化千萬豈盡于圖也更

至訛神謬鬼如殷天軍出行等說誕妄愈甚悉從

喻子削去之惟定天風雨等詳論現喻子理源

日日正星廿八宿諸變以日氣占之各觀其狀甲

賊弓盡共益育種主亡其康直土兵燹

絲青衣以自顯出血彈綴文燁火共與○戰自

其法門以交顯育兵○蠶蠶自顯育兵軍中金蠶

大告○小泉以土墜車滿以英對湖門自開

